

道光肇慶府志

石室留題好事懸推敲修羅降雨助墨海餘潤立灑潮田磽  
江深夜黑一揮手燭龍銜曜應相邀阮元詩五羊仙人來  
何處必從此峽騎羊去萬羊化石埋紫雲石角無痕著岩樹  
端州研匠巧如神水洞磨刀久迷路詩研皆無迹可尋非仙  
那得知其故金蘭原詩峽過冷羊舟已安泥人回首好山  
看東西坑水無時澗片石于今欲得難為有星巖鍾秀處故  
教山骨盡儒珍若何取向土人間笑答請君問水濱我本傳  
家石作田筆耕墨耨喜逢年此行却勝鬱林守仍束輕裝上  
船客

龍門山縣東五十里山石對峙如門前一石狀如躍鯉蒼苔  
徧體雨晴先兆里人建社學其側

九坑山縣東五十里右水坑都高五百餘仞周五十餘里出  
泉九派舊有茶園四十四所徭人居之俱同上

橫石山在縣東七十里北捍大江

縣志

青岐嶺元和志在高要縣東八十五里

輿地紀勝

勞山在縣東百里水坑都高數百仞周三十餘里

吳山徑險

狹樵者勞焉因名輿地紀勝

南蓬嶺縣東一百二十里廣東輿圖自新羅都至官棠甲延袤二

十餘里高二百餘仞東麓為官棠山支委為古耶等岡南為

小蓬洞有甘泉明少司徒區大倫講學其中舊有蓬山書院

吳志

進賢岡在城東南五里府學面山明萬厯乙酉知府鄭一麟

建塔其上曰文明

烏榕岡廣東輿圖縣東南七里明按院王命璫兵憲蔡善繼

建塔其上曰興寧

王侯峯縣東南十里在新江都高數百仞周三十里宋元豐

五年郡守王泊葬其下故名俱同上

九洲岡在城東南二十里高三十丈廣東輿圖

紫荆山在城東南五十里高百丈接高明縣界西有南蓬嶺

官棠山

同上

爛柯山縣東南五十里頭溪都高數百仞周百里與高峽山

對峽東大江東下

吳志

峯如卓筆

廣東輿圖

一名腐柯山

輿地紀勝

一名

斧柯山郡國志云昔有道士入山採桐為琴遇赤松子安期

先生碁而斧柯爛處

寰宇記

後人鐫爛柯處三大字於石上其

麓二巖產研之所

吳志

國朝彭端淑詩漢武秦皇總好仙崇樓泛海亦徒然人間信有爛柯事試向山前一泊船

大頂岡縣東南九十里新羅都跨紫荆白鷺諸嶺頂有石龜

歲旱土人燔禱輒雨

同上

金洲岡在縣東稍南九十里高數十丈屹立江濱又十里為

羅鬱岡橫屹江面潦漲時旋渦頗險西江捍門也

方輿紀要

頂湖山縣東北四十里水坑都高數百仞周百里爲一方巨

鎮吳志道書以爲第十七福地大清一統志舊經云上有湖四時不

竭輿地紀勝山半有白雲古剎產佳茗茜草有龍頭石大窩坪羅

漢橋湮盤臺石飛水巖諸勝吳志

國朝黎簡詩清潭飲秋姿萬象碧轉靜連山赴東海勢若干

之入深黑乃帖耳引領至今不肯飛泉裊天來白虹結長梗曳

牙觸撥輒怒警一喉集風雨半月霧雲景還如古髮縫蚯蚓

宿沙井致祭吏自怯疲縣民多背洪河向身捲白日搜瘡冷

赫然若天威咫尺臨爾憤其位激水使橫勢昔時壽雨亭衝

石如斷梗性急忍捕捕出入得深迴號令惟蒼蒼時若聽天

秉伊秉綬詩中歲謝浮念喜與僧爲綠杖策游名山山靈

幸見延元猿隨我後白鹿導我前疎峯冠霞表幽澗承泉源

嶺南詎無雪飛灑千巖密想見湖水平山頂涵青天捫蘿窺  
石鏡俯登雲門中有元接侶枯坐忘其年但守沉冥理寧  
假文字傳谷口尊  
歸舟夕霽含蒼烟

飛泉洞在頂湖山東北四里高十餘仞泉從巖際飛下如萬

斛明珠噴湧而出上有方石廣丈餘可坐二十人下有打鷹潭病熱飲水多愈天旱禱雨常應

三台山在縣東北布基鄉厓屢聳拔為諸山冠宋時有寇駐此為暴風驟雨驚散鄉民謂是山靈呵護每年正月祭祀至今不廢俱同上

三台岡在縣西一里三岡鼎峙狀若三星大清一統志

龍頂岡在三台岡少北郝通志林木翳蔚軍民環居其下清一大

登雲臺在城西一里高二丈其頂寬平故以臺名相連為龍

頂岡三台岡廣東輿圖

白沙岡即今所謂龜頂山也在縣西八里秀拔高聳郡之來

脈鄉人築圍稍平其巔明天啟間知縣王漸磐補培之吳志

小湘峽在城西二十里高五十丈羣峯聳峙廣東列岫連延

水經其下多良材美竹輿地紀勝宋皇祐四年儂智高犯端州州

守李寶臣曰若得兵數千伏小湘峽可必勝也陳極續通鑑

大湘峽在小湘峽西五里許峭東江流吳志

望夫山縣西八十里祿步都高數百丈周百餘里屹然天際

同上中有猺人接陽江縣界大清一統志

騰猺山舊志作騰猺縣西一百里山勢險峻吳志高要騰猺嶺南越

志云騰猺沐猴之類也頭正方髮長尺餘似人髮常覆面欲

有所視輒搖頭兩手披開之寰宇記

銅鼓山在縣西南三十里馬鞍都高千仞周三十餘里吳志有

赤石如鼓扣之有聲因名方輿紀要久晴山色冥黑則雨久雨山

色鮮露則晴郡人以爲陰晴之驗戴通志

苟徑山在銅鼓山西南十里廣東與圖接東安縣大清一統志相傳爲

陳高祖壠掘鑿之處砌石存焉輿地紀勝

白猪岡縣西南五十里白猪都高百餘丈周三十里有石如

猪形歲旱鄉人禱雨白泥塗石輒應吳志

虎眼岡在寶查鄉之間高數十仞周里許諸小山由麓下發

脈逶迤而出盤結諸鄉凡數十折蜿蜒有致舊縣志

雲從山在縣南二十里大清一統志蓮塘都高百餘丈周五十餘

里層巒疊嶽秀出天表雲見則雨故名有泉流五六里注于

新宅天旱則引以灌田吳志

寶蓮臺在縣南三十里蓮塘都高三丈周一里其阜若臺曰

寶蓮以在蓮塘都也吳志

新婦嶺在城南四十里新村都嶺頂上平闊內有池水深數



尺旁一石如新婦洗粧故名又有梳粧臺盥盤池水秋冬不

竭俱同昔有避寇者結寨於此縣志

神符巖在縣南五十里一名神湖巖土山戴石峭立如壁大

清一南北二巖南大北小巖高廣三丈餘深十餘丈其南有

穴深黑匍匐入二丈可行行愈深而風愈猛不能久畱小巖

深廣減大巖之半內有石鏵仰視見天巖口有井不竭天旱

取水禱之輒應謂之龍井蘇通志

定山在城北六里定山之名見隋書地理志一名石室山元和郡縣志一名員

屋山一名高星山廣東圖南越志云有石室自生風烟南北二

門狀如人巧意者以為神仙之下都因名為嵩臺山中有石

燕唐北海李邕有記鐫石存焉寰宇記圖經云石室山唐天寶

六年改為高臺山輿地紀勝七星巖連屬高臺山七星巖列峙如

北斗狀

廣東與圖

一曰石室巖卽今所呼大巖也上有松臺下有

石室室有南北二門入門厯階而上則穹窿鑿空高廣一十餘丈旁多唐宋名人名刻然剝蝕過半獨東壁鐫景福二字完善李邕所書西壁有石扣之鏗然如鐘又一石以衣轡其竅手拊之作鼓聲謂之石鐘石鼓巖左右有穴可燭以入北有斗魁臺此七星巖之一也

吳志

石室中土人謂之黑洞有石如龍作之而形下有石牀蘼芝

麓詩苔蘚牀虛臥石龍指此

粵游紀聞

七區連屬瀝湖環其下明

嘉靖間始除道築璇璣臺於石室之內因斗魁臺而改爲之作亭巖前曰臨壑又於巖後建星聚亭亭西有紫竹洞巖前稍東爲寶陀巖隆慶間建水月宮而治其前於山半建玉虛宮自水月宮後盤磴五百步乃躋焉一曰屏風巖在石室東

半里隔瀝湖水盡石巘崿無所謂巖也山麓有碧霞元君祠  
上數百磴曰三仙閣又上數百磴至頂曰玉皇殿一曰閶風  
巖在屏風巖東半里兩巖相連屬明建棲雲亭於山麓稍上  
曰太極洞又上爲巖舊名石角更上積石如戟又有流霞島  
潛曜洞諸勝潛曜洞又名含珠洞舊府志所繪  
七星巖圖以石室爲含珠誤矣一曰天柱巖  
在石室西半里巖去地百餘丈劍削壁立險不可上萬厯間  
郡守王泮始穴石百步循躡而登中遺銀甕不知何代物相  
傳爲衆仙搗藥處一曰蟾蜍巖在石室西一里巖在山半前  
爲龍媪穴相傳怪物蟄此非蛟非螭風雨晦冥人有見之者  
一曰仙掌巖在石室西二里峯頂有石如攤指然一曰阿坡  
巖在石室西北二里又名辟支巖吳志旁皆瀕水水源出北山  
諸澗繞流一自石頂岡出入江一自高峽山後出入江郡志

縣北六里爲定山其下有石室亦曰崧臺連屬有七星巖則  
七星巖似與石室爲二不知定山總名石室崧臺其一區也  
卽以巖論亦不止於七山總六區半屹湖半出平陸其高者  
百餘仞廣三之腹背三之一質純石色瑩如玉外受侵風雨  
故黝黑隙中稍受土故草繡錯望之葱蒨間宮觀若懸遊人  
若蟻其下穹窿開闢又如五棗之梁大者十尋小者如蠹蝕  
贅附無算或稱巖或稱洞又或稱崑瀦水則稱井稱泉曠者  
稱室屹者稱臺削者稱柱覆者稱船瞰者稱磯平者稱牀擺  
者稱指皆若神工役鬼斧鑿混沌而成者或云神仙下都或  
云帝觴百神之所或云九九水洞天之一殆不可得而名矣

七星

巖記

宋郭祥正石室賦端城之北經五六里有巖室兮洞開其上  
則七山建斗司天喉舌其下則淵泉不流停碧一杯寢之則  
卷之二十一 輿地 山川 二

肌髮冰酌之則煩心灰四旁則石乳玲瓏中徹員蓋官官薦  
丈無窮其崖孰納忠兮嗟肺腑之已露孰止戈兮來兵仗而  
相挨儼衛士之行列肅廷臣之序排紛披兮帶萼棠檠檠  
兮條枚安而不可動者為梁為棟奔而不可止者為虎為豹  
龜閣首兮屏息蚪奮鱗兮搏雷怪怪奇奇兮千變萬態愈跡  
愈久兮恍惚驚猜何人境之附近而仙宇之秘異如此者哉  
蘿捲風兮窈窕春清芳兮昭回或命佳客或寓幽懷考二李  
之勁筆皆一時之逸才援玉環以寫咏嘆夕陽之易頽方謝  
事以言返春茲石以徘徊雲歛容兮決潏鳥送  
音兮悲衰況百年之將盡逝乎萬里奚復來  
康衢遊七星巖詩天陞北斗精人間書景福巖石駢七峯漠  
漠太古色磅礴壓洪濤翠律磨蒼碧中涵大穴洞外與風雲  
隔千丈廊有容萬狀成回測硤硤露肝膽樸牙列矛戟伏如  
龍虎臥起若將士立西竅通天閣虛明數千尺豁然一鑄入  
寂閒燃燈燭幽秘若為藏閤閣不可極龍琳一鳥鰕宛若蛇  
蛻跡龍井下大陰彷彿被元幄豈伊鬼神秘乃是人骨四時  
寒烈水涯春盎回陽律炎光流大地洩冷入人骨四時幹元  
氣可燕復可息平生謝康樂不廢登山屐遂菜在人間昧者  
恆不識達人昔來遊題詩滿青壁吸駸駸歲月深慘慘烟霞積  
絕唱者何人清新歷元白鐫石苟無分靈怪亦我惜鍾思融  
結初六丁

萬斧聲

明韓雍七星巖詩二氣初溫摩精華巧融結清濁既分判崆峒  
峒見巖穴初登覺幽深旁轉更高潔嶙峋起玉柱縹緲繞垂彩

緬寒灑浮空明巨石羅幽折逢逢擊池鼓洪響不外泄乃知  
化工神難與俗儒說丹青筆雖巧誰能寫奇絕良辰羽書稀  
聊此一怡悅辱我同心友欸雷出佳設坐久毛骨寒恍如在  
冰雪舉觴初引滿浩歌激壯烈丈夫感知遇國報心孔切所  
愧才德劣弗能紹前哲正誼不謀利臨事秉大節仰視蒼蒼  
天此心誓如鍊區大仔泛舟過流霞鳥遂登閭風巖詩洞  
順穹窿一鳥開棹歌曲曲共浴涸風帆上下浮蓬苑露掌東  
西轟齒臺汎驚乍從丹浦落飛霞半自赤城來游人豈解全  
聲句知有梁園賦客才區大樞自玉螭橋泛舟流霞島詩  
彩霞飛自赤城標雙棹凌空度玉橋波上星辰三鳥接湖中  
雲樹十洲遙層巖錦石晴相映小洞桃花晚  
故魏其促仙杯駐顏色醉來同聽紫鸞鷗  
國朝龔鼎孳遊七星巖詩高城春霽動羣鸞斗氣平驚積翠  
干苗茗浮天青七葉龍螭蹴鐵動千盤斜飛珠閣蒼林擁細  
拂雲旌碧乳寒花日炎蒸偏五嶺乍來陰洞遙秋看  
碧草接演漾日麗牙旗映酒紅地入戰塲殘碣在幢分青吳  
亂烟通鼎沸烽火息煙牙旗映酒紅地入戰塲殘碣在幢分青吳  
獵回看丹碧倚崖雄變象苦蘇牀虛臥石龍錦幕半山仍較  
何年化為石散落南斗旁光色相射遙填端州城七峯張  
暮帝崑臺屹中央晚霞仙靈宅天帝觴百神於茲互主客巖  
寶鳴鼓鐘石乳亂才戟往往鳥獸形奇譎蕩精魄其旁兩洞  
天谿窺幾年閭水聲暗澎湃時有蜿蜒跡云此龍所宮終古  
雲霧積沉沉抱珠睡五嶺墜雨澤吾欲割其耳雨工起鞭策  
坐使憑湖盈乘流掛帆席時旱甚憑湖竭陳茶尹遊七星

巖詩立馬眺平蕪蕭蕭見蒼壁不知何處雲飛作茲山石嵯  
巖各異勢紛詭非一色旁通類戶牖中虛成室宅藤根上鬱  
盤石乳下涓滴時鐘聲鳴宛若仙源隔靈峯互虧蔽微徑  
緣空隙頗疑混沌初有此機巧迹遊茲已屢歲月真如柳  
川原無古今世事空晴昔徘徊倚層巒北風感行客梁佩  
蘭玉屏峯頂觀梅詩七星天半紫芙蓉繞入梅花路幾重石  
室正流前日雪玉屏橫立一邊風渾忘視聽心同寂誰覺鴻  
濛氣盡封飛鳥不來雲不見老僧何事忽相逢又登屏風  
巖絕頂詩航奇那復惜筋骸扶上屏風絕頂來圓磬一聲飄  
樹陰晴嵐無數對向開盤空細認愁猿路望遠橫添越鳥哀  
借得山僧新粉壁始知謝眺有驚才全祖望七星巖詩天  
帝當年啟大樽七星羅列似兒孫洞門向有歌鐘在石室將  
無秘錄存自昔湖山烟水闊於今阡陌草萊焚何當反復誰  
黃鸝用寫滌江春漲痕金蘭原詩端州勝地七星巖疊疊  
雲屏景不凡烟霧間時豁心目溪頭疾走幾風帆臺名寶  
月傍巖留仙景依稀似昔不池長荷新圓貼水寺排榕古綠  
盈眸情深一往列名巖霧閣雲廊繞古杉試看羣峯誰最  
勝夕陽斜挂那山街對景寄懷氣味清水容山態覺多情  
到來絕頂身仍穩  
聘步全憑認路明

北嶺在城北十里

廣東與圖

山北卽四會縣界

寰宇記

在七星巖後

高數百仞盤亘百餘里其中一峯屹立名將軍嶺

雙源洞在北嶺前乳石如堵崖高丈許緣崖下過淺水炬而  
入有泉自洞南石根流出殊清冷涉而西水又涓涓出掬之  
微溫多敗葉隨水流出旁皆怪石相傳有銀甕覆其下行八  
里許漸深不可涉昔有漁者至此而返欲窮其源編筏再往  
水暴漲迷洞穴故老云在洞外嘗聞張樂之音

吳志

石洞在縣北十五里巖穴幽邃南北二門上虛通天與星巖  
相去不遠西水泛漲巖沒數丈惟洞屹立水中世傳此洞能  
浮

輿地紀勝

洞門高十丈餘後門爲士人所窒頂開如中霤巨石

覆之若墜洞中石森立如戟中有神祠或曰高要周氏也有  
石竅深不可測相傳竅中日出升米供守者守者冀其多屬  
大之米遂絕

吳志

獅子岡與石洞相接



河鼓巖縣北二十里由石簾村過金沙溪經獨石凡數里始至此巖巖高不及石室廣僅三之一有兩門皆南向中積水如疊鼓又如半月之弦深處不可測舊名銅鼓明兵憲李開芳易今名石室諸巖皆水環石獨此巖石環水

黃江沙縣東二十里在黃江都江中明萬曆十五年知府鄭一麟建龍母廟於其中後潦漲沙洲半沒於江廟移於下黃

江村錦被灣上俱同上

寧塘水在縣東四十里源出頂湖九坑諸山南流二十里入

江俗名羅隱涌大清一統志

東沙洲一名中心州在城東四十里羚羊峽口外江中卽宋

包拯擲硯處吳志

長利水縣東五十里闊一十一丈冬夏皆通舟楫源出九坑

都東南五十里經長流都入大江同上

古婪水在縣東七十里輿地紀勝源出四會縣界南流經橫查都

入大江一名橫查水廣東輿圖

貝水在縣東八十里吳志一名鴉鵲水源出四會縣高沙陂南

流四十里入大江一名安南水一名飛水廣東輿圖

按安南水即貝水見宋王象之輿地紀勝

古武水在縣東八十八里源出四會縣界藥岡南流入於江

輿地紀勝

清岐水縣東九十里在小洲都大江之北即四會縣綏江在

大沙分支南流二十里與大江合昔設隘屯兵吳志綏江一名

滑水一名綏建水又名清岐水自廣西梧州府懷集縣流入

廣寧縣西又東南經四會縣南又東南經高要縣之清岐鎮

入西江

大清一統志

化蒙縣滑水一名綏建江

元和縣志

源發洊水

縣昔置綏建郡於此

寰宇記

圖經云滑水在四會縣西南二百

五十里原出康州悅城界合新招水注於江

輿地紀勝

按滑水樂史云源發洊水王象之云源出悅城二說

互異考元和郡縣志滑水在洊水北五十里是滑水

之源在洊水縣矣悅城縣今德慶州地滑水不出於

此且不經其地洊水宋開寶五年省入懷集縣故

大清一統志云自懷集縣流入廣寧也廣寧爲劉宋

時之新招縣卽王象之所謂新招水是已

阮通志

宋崇水縣東南二十里桂平都源出良村都諸山皆北流經

宋崇故郡址故名至三合與鷓鴣峽水合流入大江

吳志

新宅水縣東南三十里源出苟徑山北流四十里潞洄曲折

經蓮塘都注於新江

古霸水縣東南五十里源有二一出茅廛烏石諸嶺東北流一出爛柯山南麓東南流至古霸村上合流東至雙竇入復源水乾隆十七年鄉人建立文明閣

孔崗水縣東南五十里馬鞍都源出冠蓋鄉山澗東流經孔崗村北流六十里會于新江

金雞水縣東南七十里吳志稱鷓鴣峽水源出老香山東流八十里過金雞營至平頭村析爲二派一過白土井灣頭至三合與宋崇水合八大江一過鷓鴣峽合都合水明洪武間潦決百二十餘丈汎浸高明永樂間塞復決正統三年知府王瑩伐石甃築水道仍舊分流

俱同上

蒼梧水一名典水

方輿紀要

在縣東南八十里典水都闊二十丈

吳志源出腐柯山初為瀑布飛流屈曲二十里入西江輿地紀勝

復源水縣東南百有三里舊作九十里自西江金利水口分流西

南三十里復合西江故名縣志

按輿地紀勝作服源水云在廢平興縣東南三十五

里源出東砦山流合產源水

小龍水縣東南一百里源出古道逕諸山東流與復源合入

大江吳志

北港水在縣東南一百一十里自羅鬱岡分大江水繞范州

都諸村南流至牛圍口入高明蒼步水古有寶通大江歲久

湮塞萬厯中郡守王泮復疏通之一大清志

官棠水在縣東南一百二十里發源官棠山流至阮涌清溪

為澗湑水二十餘里入蒼步水舊時徑達大江每泛漫泰和

秀麗二墟元至正中塞之至今無水患

吳志

按此水至阮埭後流入高明縣

沛漢水在縣東北八十五里

輿地紀勝

按沛漢水今不知何在

小湘水縣西三十里桂林都源出北山梯石南流三十里過

小湘山入大江

吳志

大湘水縣西四十里桂林都源出雞籠山南流五十里至寨門岡入大江

筭崗水縣西五十里祿步都源出德慶州大朝山南流三十里經筭崗入大江

都偃水縣西七十里漾源都源出德慶州大朝山南流五十里經都偃村入大江

大灣水縣西南三十里大灣都源出東安苟徑山東北流十五里經大灣村入大江

隘崗水縣西南五十里山凹都源出南坑西北流五十里經隘崗村入大江

博崗水縣西南七十里布院都源出書山北流八十里經博崗村入大江明一統志云源出古鑿岡按書山在城西百里今割隸東安

西江在城南

俱同

西江卽鬱水也自廣西梧州府蒼梧縣流

入封川縣經西靈洲合賀江環城四十餘里稍南復折而東

入德慶州經州南與西寧縣分界又東入高要縣經縣東入

廣州三水縣界在封川縣曰錦水在德慶州曰大江在高要

縣曰端溪異名而同源者也

大清一統志

端州當西江入廣州之

要口康州悅城縣鬱水一名西江水去縣十步元和志德慶有端溪以近端山故名流入大江故又以名江也郡名端州亦以此吳志

按浪水卽鬱水見水經寰宇記等書皆不著浪水惟輿地紀勝載浪水宋槧本誤爲浪水云浪水出武陵北界洗水各南至鬱林又東至蒼梧猛陵爲鬱溪又東至高要爲界水又東至南海番禺縣西分爲二其一南其一東南入於海象之之說與水經注合阮通志

新江口在城南五里卽新興縣之新江水北流百餘里至此會入大江廣東輿圖臨允牢水北入高要入鬱過郡三行五百三十里漢書地理志新江在州南五里有水入于灘江以其源出於新州東南山谷間沂洄而上三日至新州爲新興郡之故地



新江出新興為古臨允縣地其入江處又適在高要故

說者以為即古牢水然總計新江源流不滿二百里與漢志

不合或以羅定州之瀧水當之近是一統志

大清

明區大倫端州源委記域內之水河為大次者江次者端江  
河源崑崙萬里九折而入中國經疏天下之半南入于海端江  
源岷山下三峽會洞庭過於金陵行八九千里入于海端江  
源于蜀之夜郎下西顧會于端江折而南海放于江門行七  
八千里入于海江河著于禹貢詳于傳記天下所知也端江  
僻在嶺微書傳畧焉即吾鄉人莫能知其源委者王子春之  
三月余浮舟江門觀海而還取嶺表新舊通志及端州志閱  
之即作舊志者惜然不辨也按端江之水源自夜郎鍾封夜  
郎之域脈水出焉鍾封之域溫水出焉東北合于牂牁江東  
入于廣鬱稱鬱江焉廣鬱者鬱林郡地鬱林秦之桂林郡也  
漢武帝元鼎五年伐南越使馳義侯發夜郎兵下牂牁會番  
禺即其路也鬱水東下則交趾以北之水皆赴焉武陵鍾水  
南下阿林者皆入焉又東至于蒼梧離江之水注焉離水出  
於楚之零陵郡與湘水同源自興安陽海山中斷湘水流而  
北瀨水流而南漢元鼎五年造故歸義越侯二人為戈船下  
瀨將軍出零陵或下離水或抵蒼梧即其路也離水南流與  
桂林之水合亦稱桂江又南過平樂府稱曰府江則近代所  
名也其鬱水上溯潯邑者曰左江溯柳慶者曰右江皆近代

所名也三江既合東下廣信則封水注焉封水出臨賀郡臨  
水源于萌潯嶺道州界也賀水之源興安縣羅山二水合于封  
溪江皆受之又東過于康州謂之錦水以錦山名而羅定之  
涿水注焉又東會于端州臨允之水注焉端州由端山名故  
水曰端溪亦曰端江楚蜀西臨西來諸水皆會于此域內之  
水自黃河楚江以南此為大矣端江既同東下於羊峽緩水  
注焉至于橫石遂折而南其醴流會涪涪諸水東過三水縣  
者比于江沱漢潛而俗以為牂牁東下番禺諸水東過三水縣  
過蓬萊山石洲江匯為大澤江面廣六七里迤邐潯洞三折  
繞出大雁山後大雁山以東亦醴為二流一注於甘竹一注  
于仰船岡並可達廣州順德香山亦猶江漢之有沱潛而長  
江則南趨江門入海謂之江門明江之門戶至此而盡此端  
江之源委也蓋江源夜郎牂牁而海中亦有牂牁洋此其源  
委相緣之名可繹思矣舊通志南海經乃謂新會之西蜺  
岡至南寧有夜郎豚水出牂牁不知西省之水全注于端州  
其出夜郎既非別者實端江之源而南寧即古邕州邕海之水  
曰左江既合右江府江下端州矣何有分流向蜺岡乎且自  
南寧至蜺岡皆同嶺管轄隔閡于數百里豈嘗有巨壘關此  
水路耶謬矣外志又刻為三江合浪水之說不知江源遠且  
巨者無過夜郎豚之入鬱桂之入灘今不言合鬱合灘而云  
合浪果何所據也又其所稱三江更為怪誕不經大抵嶺表  
之水西自端江受楚蜀西臨西來之水最為巨浸謂之西江  
北自大庾南韶涇湟諸水南注於三水縣者謂之北江東北  
自安遠界南下龍川之水以其在會城之東謂之東江無有

南來之江者凡有日者所共見也今志中總圖經以大庾直  
臨賀桂繡諸水皆入于離會于端總之西來一江也今圖經  
以封溪諸水屬西江而分離水屬南江夫封離既合為一流  
矣何由知封之必為西而離之必為南豈茲水固如涇渭之  
有別而名之者固如涇渭之可辨乎謬之謬矣萬厯王子夏

記

瀝湖在城北五里巖前都北山諸澗之水匯為黃塘上攬塘  
至七星巖愈廣春夏潦漲極目浩淼多魚利及蓮藕菱芡之  
屬昔為居民築堤包塞潦漲為患明萬厯乙亥嶺西副使李  
開芳悉清出還官豁免民稅督府戴耀大書鐵壁曰澤梁無  
禁巖石勿伐

吳志

躍龍竇水一名新瀝水明萬厯間知府王泮分引瀝湖自石  
頂岡出大江潦漲有洩民受其利

後瀝水瀝湖過巖後束為小渠遶北山石子灘三十里出於

羊峽入大江

包公井在府廳之東宋康定間郡守包拯所鑿其水清冽

明董源記宋仁宗朝包孝肅公以知揚州天長縣徙知端州

病民之汲於江作七井以便其用其一在府治內後人以第

水清冽比公之介名之曰包公井距府治西嶽廟旁則其第

二井也其三在縣學前街南俗謂之義井其四在分司巷口

其五在廣濟倉右自廣濟而轉城北門之左其第六井也自

城北門而復主帥室之前其第七井也惟縣學前分司巷口

兩井當通衢之衝汲之者衆然皆以壘缶出水少不謹則相

撞擊破毀歲久壘塞水涸之月綆不能以壘缶出水少不謹則相

乎有間也高要縣判簿樂平鮑君宜文仰前人之遺矩急斯

民之日用方廟學義倉諸役甫完欲興修治即買石僦工浚

之復躬自指畫出其瓦礫汗渇補其敝漏缺井之口周以石

開其外四隅皆治使端正幾砌平垣九愈于新郡之老幼咸

趨瞻往觀莫不驚嘆以為百數十年之蹟一旦浚治潔清其

汲有常矣屬予記之稽之圖經暨義井舊闢石刻則知包井

之作昉於宋康定庚辰至嘉定癸未一百八十四年始見修

之自嘉定癸未至今正統丁卯又二百二十二年乃克修其

兩井蓋非吝于費而憚其勞抑亦有待於人力之所及也今

於民則凡人情之欲飽暖安逸者亦必慮之有道矣豈惟井

哉判簿君又常于學中創建書樓號房穿甃泮池遷進士類

隆慶守志卷二 興地山川 臣

勸民出役以備荒歉鑿井獄中以惠囚禁亦邑政之可紀者宜悉記之兼之井與城有考云正統十三年孟春月

義井在府治東八十步包公所鑿其水清冽甘美秋冬不竭井欄刻嘉靖癸未字相傳包公所鑿之井有七一在府治內一在府治西嶽廟旁一在縣學前街南俗稱義井一在分司巷口一在廣濟倉右一在北門之左一在主帥堂前

龍井七星巖神符巖俱有俱同上

梅菴井在城西梅菴前水味甘冽郡中人皆汲此井水以烹

茗粵語紀聞

### 四會縣

鳳翔山在縣東三里高百丈狀如鳳羽邑人以科第顯著多

出其下俗名社山吳志

思子山在縣東二十五里隋末籍民為兵有嫗止一子亦預

後思子登此望之悲哽而絕故名

輿地紀勝

六士山在縣東三十里六峯竦然植立若六士焉

吳志

扶盧山在縣東四十里高千丈上有湖

寰宇記

四時澄澈花木

繁茂相傳甲戌日有管絃音昔六祖嘗隱此以盧姓故名下

有六祖菴今廢

吳志

天子嶺在縣東五十里舊傳有姓黃者居嶺下狀絕魁岸家

富饒其祖父葬嶺間隸職廣州每乘二竹朝往夕還一日家

人誤斷竹乃不得去後有占氣者云此地有天子氣遂斷山

掘其墓發棺見屍若蟻蛭成文有天子二字子字未成遂滅

其家因號天子嶺或嫌其名呼曰天資

輿地紀勝

仙嶺在縣東六十里上有叢祠古碑字磨滅

吳志

鳳頭岡在城東北十里高十餘丈

輿地紀勝

清熙丁酉邑宰蘇邦

平縣基得古碑乃鹿鳴燕士詩有云龍嶺行歌龍已化鳳頭

將見鳳齊鳴

輿地紀勝

龍子嶺在城東少北三十里高百餘丈

廣東輿圖

石燕山在縣東北八十里接廣寧縣界

大清一統志

山有巖穴內

有石佛石鐘又有石燕因名

輿地紀勝

雙對岡在縣東南十里兩山屹峙高百餘丈

吳志

尖峯山在縣東南十里高聳尖秀如筆書空

陶冶山在縣東南十五里高約二百尋周四五里綏江水至

此分流

醉翁岡在縣東南十七里形如醉翁又有小岡在旁名壺瓶

岡

俱同上

三足山在縣西百五十里昔有人姓蘇入此山遂仙去

輿地紀勝

高望山在縣西二百五十里山多茶木昔有人登此山及半

忽晦冥迷不能進

同上

白華山在縣西北二十餘里高數百丈層巒旋折環向綏流

綿延數里外爲通邑徭人取材之藪

吳志

牛眠嶺一名塞水山城南五里形勢平坦

廣東輿圖

千歲嶺在縣南十里高數百尋周十餘里上有三峯如筆架

吳志

金岡山在縣北一里高十餘丈縣治之主山也一名金山一

名金雞山上有登金亭又有濂溪書院今廢

廣東輿圖

金山一名

金岡山出金沙

元和縣志

廣州記曰四會縣有金岡行人往往

見金人於岡側

藝文類聚

洪武初知縣栗容建亭其上曰登金永

樂間知縣顏寶令居民遍植以松峯巒旋繞江河縈帶亦一



奇觀也

吳志

塌岡在縣北四十里天順間西寇流劫鄉人屯此爲砦

同上

百僚山在城北五十里高百餘丈四面崇岡疊巘若百僚拱

揖

廣東輿圖

三貴山在縣北五十五里多竹木三峯峻拔貫出層霄高數千仞周三四十里綿亘寧會兩邑之境四顧羣峯攢列視若

培塿

吳志

獅子岡在城北五十里高百餘丈

廣東輿圖

有石二高六尺方丈

餘一爲雷震斷又有石華表高一丈上鐫字漫滅不可辨

輿地

紀勝

大甫山在縣北五十里高四尺周十餘里

縣志

白馬山在城北六十里高百餘丈山勢如馬奔馳故名

廣東輿圖

雞籠山元和縣志在四會縣二里輿地紀勝

石澗山距縣六十里有泉一穴水東注五里入于江舊傳穴

中有巨鯉每游泳則不數日必雨同上

祀山聞笙歌之聲以為越王之靈寰宇記

按已上三山今不知所在祀山疑即扶廬山

古肄水在縣東六十里同上山海經曰肄水出臨武西南注於

海入番禺西肄水蓋湊水之別名也水經注四會耆東有古肄

水南有湔江西有建水北有龍江四水俱臻因以為名寰宇記

按肄水地理各志誤作津水阮通志

又按肄水即湊水發源於臨武縣流入英德縣湔陽

峽又名湔江在四會縣之東寰宇記當作東有古肄

水湔江西有建水北有龍江其南有湔江之南字乃

校讎之淺人羣入竇宇記下文云滇江水在縣東自  
清遠來可知滇江水在縣之東不在縣之南矣

龍江水在縣東北二里發源石港潭去縣百餘里灘石險隘  
至金溪始可通小舟其水一自三貴山之左由蓮子徑自北  
而南旋折於金溪之龍灣一自羅源金雞逕之界有曲澗西  
南行經田東而右入一自獅子嶺卷阿間涓流微注委折數  
十出大甫畱甫之中而東南流至此三水相合而勢稍溢故  
名三合水自此復紆迴南行二十餘里抵城東爲龍江自金  
溪而下出金岡後經龍橋會綏江至陶冶分派入海皆見於  
志自金溪而上細流沙磧通塞不常故三合之水名不載于

乘吳志

北江卽古滇水在縣東南六十里

大清一統志

滇江水在縣東自

清遠縣流來

景字記

烏龍潭在縣西二百里廣寧縣界潭底石隙中產嘉魚味如江鮓宋李積中詩云烏龍潭下鮮魚鮮白馬山前苦笋羹

縣志

按大清一統志烏龍潭在四會亦載入廣寧蓋界於兩縣之間也

阮通志

蒙水在縣西二百五十里

景字記

按今不知所在

綏江在縣南一里以古綏建郡得名一名滑水又名綏建水源發廣西賀縣流數百里入縣界由峽山曲繞而下至縣前會龍江水南注而左折十五里至陶冶山分爲二一由高步山青岐滙西江一由金釵灣出南津滙北江是爲三江南入於海

吳志

包公井在縣治東其水甚甘

思清井在縣門內萬厯間知縣陳一元鑿

般若井在縣西五十步般若寺內其水常清四時不竭今寺

與井俱廢

俱同上

千歲井在縣南五十步以近千歲嶺故名

黃通志

按縣志作洗硯井誤

濂溪井在金雞山下濂溪書院故址

吳志

新興縣

烏石山在縣東一里孤立道旁兵寇冒起宗刻特秀二字

縣志

望州嶺在縣東五里照會都高七十餘仞周十餘里登之闔

邑皆見

十里峯在縣東十里照會都高百餘仞周二十里峯石嵯峨

草木葱鬱俱同上

羅傘山在城東十五里高百餘丈廣東輿圖

秀羅山在縣東十五里照會都高十餘仞周十里羣峯秀列

山下有寺名寶覺爲贊聖禪師道場今廢縣志

思防山在城東二十里高七十餘丈山形峭拔登之則防阨

危廣東輿圖

大羅山與思防山並峙高八十餘仞周三十里羣峯羅列如

屏方輿紀要

嵐岡山與大羅山相接同上

熙隆山在城東四十里高七十餘丈廣東輿圖

布辰嶺在縣東四十里路當險要通高明設有防汛吳志

馬猴嶺在縣東五十里枕高明廣澤深林爲盜賊出沒之

處最宜防範

縣志

沙廊嶺在縣東六十里一方險要

同上

鳳華山在縣東六十里高四十餘丈翩然如鳳之翔故名

東

輿圖

龍境山在新州東七十里

輿地紀勝

杜山在信安縣東

寰宇記

按杜山王象之輿地紀勝載入新興阮通志云新興  
卽宋之新州隋之信安郡宋開寶五年以廣州之義  
寧併入新會太平興國元年改信安熙寧五年廢縣  
隸新興

寶冠山在新州東南五里有福林院

同上

按龍境寶冠二山不知所在

羅陳山在縣東南二十里仁豐都高百餘仞周四十里居民

多羅陳二姓上有薦福院唐武德二年建今改為極樂寺志

天露山在縣東南三十五里仁豐都縣志高峻插天頂有泉注

為龍潭廣東與國山有巨石泉出其旁深丈餘魚物其中輿地紀勝歲

旱以石投之擊巖如雷卽兩舊有岱山寺唐貞觀二年立今

移社墟村縣志

雲秀山在縣東南四十里相傳山有五色雲大清一統志上有廣

隆院輿地紀勝

雲石山與雲秀山相連巉巖多石戴通志

大塘均在縣東南四十里路通恩平大清一統志

員嶺在縣東南四十里或訛為賢嶺又東南十里為大面嶺

同上



雙官山在城東南五十里高百餘丈數峯相連兩峯秀出

廣東

輿圖

獨鶴山在城東南七十里

同靜德都

高二百餘丈周三十里

相傳頂有鶴棲鳴其上因名

縣志

乃開平恩平新興三縣交界

之處

廣東輿圖

羅漢山在城東南一百里高百餘丈山北草木青翠山南獨

無草木白石碑碣相連爲府君嶺

輿地紀勝

佐隍山在城西七十里高三千餘丈繞縣之右

按輿地紀勝作佐王山

寶蓋山與佐隍山相連

桐山在城西十五里高百丈

碧岡山在桐山之西

雲幹山與碧岡山相連俱同上高二百餘仞直如木幹上聳雲

霄下有枕榔古寺大清一統志

新興山在城西二十里高二百餘丈長二十餘里山徑紆曲

廣東與岡

風門均在城西五十里高五十丈同上為裏崗出入要路吳志

按府縣志風門均在縣南

東山在縣西天堂內崗壁立千仞峯貫九霄南俯高州北瞰

肇慶登其巔旭日明星環繞左右頂有靈石方丈石面有池

泉味甘美隆冬常溫祈雨輒應大清一統志

錦山在縣西南三十里寧化都高百餘仞周五十餘里其上

花木若錦吳志有水流入新江名錦山水大清一統志

索山在城西稍南三十里高百餘丈廣東輿圖

古岱嶺在縣西南三十里

元和郡縣志

按此嶺今不知所在

儀崗山在城西南八十里西連贅崗山千崖萬壑深杳莫測

猿人居之

輿地紀勝

疊蛇山在信安縣西南一百六十里山形似蛇疊因名

寰宇記

按此山今不知所在

藏書石在小南路大埭石高數丈廣十餘丈中央有一刀痕其石兩分自顛至底分開三四寸裏有大大字數行不能盡識

吳志

筆架山在縣南四十里高三百仞周百餘里

大清一統志

王高尖山在城南五十里高百餘丈南屬陽春北屬新興爲

兩邑險要

廣東輿圖

龍山在縣南三十里周五十里蜿蜒如龍

大清一統志

山有龍山

寺後有峯曰三寶頂兩岡夾峙左曰左天王嶺右曰右天王

嶺右嶺大石上有小石狀如負子曰鼻子山距里許曰香燈

岡有瀑布下注石坪方輿勝覽爲曹溪第六祖盧能托生地其故

居卽寺前地

廣東輿圖

相思山在城南十里高百餘丈

同上

化身巖去龍山十里兩山對峙石壁峻嶒水簾瀑布下注深

潭傳爲六祖坐化處巖前一石聳立人呼韋馱石

縣志

藏佛坑在袞袞嶺下去龍山五里兩山合爲一巖巖石如削

上一巨石覆之瀑布漫下盡蔽巖口六祖將蟬蛻時密藏於

此今坑水日小秋冬間望而見之

吳志

龍巖在龍山寺後四圍皆山突起一石高丈餘削立如壁宋

紹興間州守王敦仁書龍山二字約四尺餘萬厯志作張錫

書未知孰是

縣志

巨福山與峽岡對峙為縣北鎮山上有真武廟正冠亭

雲斛山在縣北十五里延壽都高百餘仞周五十里山谷幽

深常有雲氣歲旱禱之石中泉出即雨上有井水殿祈雨壇

俱同上

車岡在縣北二十里為通邑下關水口

吳志

崖樓山在城西北三十里上有飛崖勢若樓臺又名崖牢山

此山已割附東安縣南境猶屬新興界

廣東輿圖

利山即老香山在縣北五十里照會都高三百餘仞周七十

餘里

同上

多草木與高明縣接界

大清一統志

通利山一名利山多香木為民利即老香山之南麓也

方輿紀要

按元和郡縣志利山屬新會縣王存九域志同文獻  
通考云新州有利山蓋南宋時始割隸新州也太平  
御覽引南越志云臨允縣利山上多香林卽此山是  
矣

銀山信安縣銀山出鉛

實字記

疊岡在信安縣岡重疊無數

同上

按銀山不知所在疊岡疑卽疊蛇岡

小穩峯在延壽都高三百餘仞周三十餘里崢嶸尖秀下有

小穩村清溪祠

吳志

端峯在縣北八里端正不欹

廣東輿圖

按輿地紀勝作瑞峯山云有覺華寺

新婦石宋林小山有詩今不知所在

縣志

繞州水在縣城內源出佐隍山宋知州梁立則決貝嶺導流  
自西南入城醜爲二渠一環州治曰繞州水一環學宮曰文  
脈水出大師橋下合流從縣西出城溉田大清一統志

按貝嶺疑是員嶺員嶺卽賢嶺乃涉筆之誤耳

盧溪水在縣南源出裏洞嶺下北流過龍山又北繞縣東門  
又北至洞口與錦山水合卽新江之上源同源出義容鄉李  
崗嶺盧村過龍山至肇慶界皆爲盧溪輿地紀勝

按李崗卽裏崗盧溪水卽新江盧溪水合錦山水之  
後又北五十里至東安腰古驛容朗水入焉又北九  
十里出高要縣界入西江曰新江口

清溪水源出筆架山北流至縣南入盧溪水大清一統志  
思龍水源出龍山北流至縣南入盧溪水

客朗水在縣西北四十里源出東安縣界芙蓉都東流至腰古驛入新江

索水源出開平縣懷政鄉諸村東北流過回龍至縣東八里入通利水

俱同上

通利水源發通利山西北流合盧溪

廣東輿圖

允河水發源布辰嶺西流與通利水合

同上

按通利山卽利山允河水卽允水廢臨允縣以此水得名

天露水在縣東南源出天露山流至城東合盧溪

方輿紀要

按輿地紀勝云倚岡水在信安鎮六十六里出天露山據此則天露水古名倚岡水矣

高公喉水在縣西南五十里自龍逕流出河頭

吳志



錦山水發源仁豐都南大嶺脊下西流至河頭與天堂水合又北十里與藍坑水合又北五十里至山口卽二十四山路口也又北二十里至洞口與盧溪水合

同上

按天堂崗在縣西有水名天堂水或訛爲天塘考錦山水流入東津口至峽岡輿地紀勝謂之峽岡水流至河頭與天堂水合又北十里與藍坑水合又北五十里至二十四山路口又北二十里至洞口與盧溪水合爲新江上流凡商賈往高雷者必拖舟至河頭乃登陸藍坑水在縣西南藍姓聚族而居故名藍坑井乾湖在縣北二十里其深莫測多巨魚歲旱擊湖水卽雨

同上又北五里有車頭湖

大清一統志

聚龍池在縣治西水深魚聚故名

溫泉在盧溪之旁

俱同上

三章溪南越志云允吾縣有三章溪溪有三源

寰宇記

按允吾卽臨允新興爲古臨允縣地三章溪名不見記載 大清一統志云新江有三源曰裏岡曰筆架

曰龍山或卽古之三章溪也

阮通志

觀江水騰沸流水沉淪必無出者名曰河伯下封

寰宇記

按觀江水亦在信安

阮通志

### 陽春縣

涼繖岡在城東五里許高五十丈周數十里山勢盤旋中卓

一峯宛如張蓋以象形名也

縣志

按舊志作城北誤

珠環山在城東八十里南鄉都

同上

羣峯連貫如珠高六十丈

與陽江縣接界

方輿紀要

射木山俗名穀磨嶺在城東南十里南廂都高百餘丈上有

射木神祠唐姜晦貶此遇旱祈禱輒應遂立祠焉

縣志

馬鞍山在城東南十里南廂都高百餘丈形如馬鞍相傳山頂有古瓦盤圍八尺許貯泉瑩澈游人掬飲之次日復滿然訪者不必得或云盤在七星巖今者所稱黃盤頂是也雲靈山在城東南十五里南廂都高數百丈周數十里頂有石橋雲慕其上則雨開則霽諺云晴不晴看雲靈

按戴通志以雲靈山卽射木山誤

七星嶺在城東南二十里與雲靈山相連相傳昔有仙人煉

丹於此猶存丹竈云

俱同上

鐵坑山在縣東南二十里山勢盤旋古木陰森產鐵礦故名

宋胡銓游其處有畱題詩

大清一統志

宋胡銓詩路入陽春境杳然非世間初疑金菊嶺原是鐵坑山日薄嵐烟重天寒酒力慳人言茲地惡我愛碧孱顏

穀岡在縣東南四十里多綸木似穀皮可爲錦上

潭西石在南廂都三峯若筆架有石如獅蹲如馬如羊如飛

鳥與楊公廟石對峙爲上三都門戶乾隆年間土人鑿石爲

灰漸剝落色班赤里中患之乃僉謀捐金買是山請於縣合

張桂森勒石示禁

縣志

淡苔嶺俗呼淡來頂在城東北二十里高百餘丈延袤橫亘雙峯秀倚雲表狀若仙橋博麻水出焉

白水嶺在城東北五十五里南廂都高百丈雙峯天際望若芙蓉迤邐而南蜿蜒不斷羅鳳水出其下

棕木山在城東北一百二十里思良都高數百丈周八十里

絕頂處天池一泓秋冬不竭雲霧其上則雨有路通恩平  
挂雪嶺在城東北一百二十五里思良都高數百丈周百餘  
里常有雲霧其上惟秋晴嶺頂一露有小阜五列如梅瓣雪  
後望之素若瑤林一奇觀也

石壁在思良都攢簇水次凡數十疊昔人避寇結砦其上  
俱同上

崆崙巖在城西十里許廣東輿圖作西南十五里石壁穹窿半巖開一穴

若洞門內深廣十餘丈分前後洞透光生明中擎二柱石下  
懸若倒垂蓮肝肺狀者甚多常有水滴風颺之若雪花散落  
其凝成於下者可研爲粉名石乳粉前洞有龍牀厚僅可尺  
牀上皆靈芝狀平鋪如席後洞更深邃皆白石瑩淨如金銀  
而常濕且多蝙蝠及石蓮子入者須以火石有懸石二叩若

亭各二字於石

志哭

卷二

興地

山川

天



假而行記雖成常以爲憾其事殆與子類云

吳鳴詩云昨南遇太史公爲我西向談崆峒以手拈畫不容  
口意似一掃于嚴空我時猶豫心惆恍南紐何足方峭旋春  
州一水渡清淺隔江十里開龍嵒入門咄咄呼奇絕怪事無  
乃窮神工洞門豁豁廣十丈如萬石匏空其中驪龍隱日露  
或樹靈鼓鏗華鐘或臥獅象蹲踞熊或爲趺坐肖尊宿或似  
變怪盡蕩滌元氣雲霞烘烘循崖右轉更深豁一室幻作雙房  
櫺櫺然中貫見砥柱力幹坤軸天無功靈威丈人其背却  
立不動高隆崇旁穿一穴不見底聞有仙笈藏虛冲此山使  
合誇羣叢此山便欲齊神嵩我名何爲挂絕壁曹侯下筆摩  
蒼穹崆峒主人白石翁獨建奇蹟臨羣孽當關拜石石點首  
遂令洞宇延清風乾坤何處悶元窾人間渺見嘲冰蠶作詩  
遺曹兼賀石萬八千歲仙居同馮敬昌詩古稱嵩岱衡華  
厥秩視三公誰其佐之河圖遁甲轉不言崆峒朱明洞天次  
第列嶺嶠不知崆峒何以獨在西北峰時後虛空元精由來  
崆峒神斯山宇內復有幾兩脚未歷正使擬議摹寫難爲工  
扣扉今日揚江東居然靈異棲其中念我出門憂轉逢水愁  
魚龍山虺虹苦憶舊林不能返顧以異景來相通於時山外  
初午鐘羣石如約如蹲熊忽轉摩窠作福地銜然日月開庭  
宮石巖橫跨路迤邐水瀑成聲玲瓏藤臂高垂猿女挂玉

乳洞極雲母烘神獅之白斲紅嵌寶夾峙雙房龍斧鑿耶  
無鬼神力結構不與人間功吾聞上古民質樸三皇五帝非  
尊崇所以黃帝廣成子心契元妙神虛冲梨聚自掃荆棘叢  
升高何必箕與嵩方隅丁丑侯起伏枉向龍虎參鈴銅何如  
題字瀟溪翁真精三五開羣龍寥寥熙寧湖元豐至今峭壁  
支罡風鳴呼後來觀者但賞筆力雄擾擾何異冰疑蟲問君  
何處竹德充徒爾  
河陝甲乙紛異同

黃泥岡在城西十五里高十餘丈平坦多石稍南爲白猪岡

上有白石如猪

大清一統志

相傳有石鹿常羣游其間

吳志

石綠山在城西三十里高數十丈上有亂石其色淡碧每大

雨過山下常有石綠

廣東輿圖

山下出泉流爲石綠水

縣志

旗鼓山在城西四十里太平都高三十餘丈周二十里山頂

有石儼若旗鼓

吳志

鑑湖山在城西四十里太平都高五十丈廣數十丈上有湖

澄清碧淨俗傳有銅鑼妖沉湖中響則雨



題詩石在邑西四十里數峯插天其半有洞極深邃人跡罕到石壁有詩不知姓名相傳以爲仙蹟然殊淺率蓋好事者爲之也

俱同上

甸子嶺在城西一百二十里太平都高數十丈袤延數十里南去二三里石竇哈呀噴濤飛雪聲聞數里外蓋甘婪水也山腰有路通東安信宜諸縣

縣志

楊柳嶺在城西一百里太平都高數十丈雙巒並峙望若門闕上有一石方坦可坐四十許人行者憩焉

望州嶺又名旗山在城西南四里南廂都高百丈袤數十里舊志謂山巔足覽一州故名

南山在城西南三十餘里南鄉都高百餘丈山半有寺

鸚鵡山在城西南四十里高三十丈周十五里有巨石如鸚

鵝萬厯辛巳五月大雨山裂下瀦爲深潭又有石削成八面  
白者如晶黑者如漆皆端正瑩徹亦一異也俱同上上有石成

巨跡俗名聖人跡

輿地紀勝

鳳凰岡在城西南六十里太平都高五十丈周六里縣志以形  
似名寰宇記縣有鸞山上有鸞逕疑卽此大清一統志

石人山在城西南一百二十里太平都高百餘丈周十餘里

有巨石如人形

縣志

木蘭山在城西南一百二十里太平都高三十餘丈周八九

里峯巒明秀林木茂密

白水山在城西南一百三十里太平都高四百餘丈周四十  
里有天池龍井百道清泉匯爲一峽奔注於兩峯間直曳  
百丈許下有石潭俗名龍潭潭水每響可占晴雨山上舊有

白馬神祠俱同上

羅黃山在城西南一百四十里太平都高百餘丈周三十里

有瀑布數十丈落而成淵山下多羅黃二姓方輿紀要上有仙人

足跡

輿地紀勝

元和郡縣志羅水縣有蘇羅山疑卽此山也阮通志

王母樓山在城西南一百六十里太平都高六百餘丈周六

七十里山頂時興雲霧異草奇花珍禽野獸山半平石有巨

人跡左支渡羅巷徑發爲王嶺頭竹徑尖石壁高岡喬連諸

山右支爲王師丫髻羅黃白水仙家洞桐油下瀧邠且諸山

綿亘百餘里峯巒秀麗爲邑中屏障

縣志

龍巖石一名員眼石在城北十里高二十餘丈頂平如砥明

孝廉馮仕琦建寺其上

寶帶巖在縣西北順陽都俗呼大巖獐田環之巖中石乳四

垂高倣可坐千人

三關石在順陽都形如巨鼇奔注下飲長川其尾插入雲際與潭西石對峙江湄建楊公廟於其麓屢經縣令嚴禁伐石那虹石近合水口有瑯陽洞穴凡二初入甚隘進乃寬廣大瑯石在那虹北有瑯陽洞穴凡三四處深奧莫測

那烏石下有人家舊移古良巡司于此

流冲石在順陽都兩峯端秀紺碧如染

潭葛石數十疊倚那烏石西達于江

俱同上

磁石山在城南五里高十餘丈周五里一峯突起四面平坡

產吸鐵石

吳志

鵝抱山在城南十餘里南鄉都高百餘丈嶺上一石如鵝抱狀又一石平削有巨人及馬蹄跡相傳山中有異果游者偶

得食之若懷歸輒迷失云縣志

獅子巖在城北十五里舊有獅子庵甚隘嘉慶二十年邑人嚴有容等遷於庵西依巖構宇茲巖之勝乃出內有六祖巖伽藍崖紫霄宮最高為蓮渚閣凡數十楹憑高一覽心目曠爽

翹石巖在城北十餘里南廂都有石高橫若橋下有澄潭游鱗可數俱同上

巨石山在縣西北大清一統志南越志甘東縣西二里有巨石山其山有二石室有懸泉飛瀑金膏銀燭靈芝玉髓之異其石自然成樓臺柱棟寰宇記

按縣志以此卽崆峒巖今考其境物相類信或然也麒麟巖在城北三十五里順陽都深百餘步上有一孔卓午

則日光下射歲旱村人所雨輒見雲氣自孔中蓬蓬然起雷  
電立至有水從巖底西流而來瀦爲潭以火燭之水自蒸燄  
色紺碧如燒樟腦亦一異云

縣志

按麒麟巖舊名潭西巖 大清一統志云有三峯出  
水下注成潭潭西有巖石乳結爲人物仙釋狀奇詭  
甲於他洞稍北有龍蛻巖一名南巖石中多龍蛻土  
人鑿石出之有巖石寺有元至正時碑稱爲古良上  
里

赤豹巖在城北三十五里順陽都相傳童真人傳道劉女仙  
處有赤豹跡云真人常騎以出入者也

金龍巖在城北四十五里順陽都初逕險仄至巖則洞宇平  
敞有池深數丈明季鄉人祀關帝其上祈禱甚靈

將軍岡在城北八十里思良都高三十餘丈周四十五里岡

壠起伏狀若湧濤

俱同上

唐姜晦貶春州司馬嘗提兵陟岡禦

獠賊因名

方輿紀要

唐時有李將軍屯兵於此

輿地紀勝

按姜晦提兵及縣志云李英公靖屯兵於此皆附會之言當以輿地紀勝爲正王象之南宋人是時唐宗

圖經具在其言可信也

銅石山在城北八十里思良都高五十丈表五里蛾眉深黛

上與天碧面橫一峯端若玉案亘如長橋山半有墓相傳爲

劉女仙祖墳有盜之者雷電立至

縣志

銅石巖一名通真巖在城北八十里思良都巖有石室高三

四丈深廣丈餘多宋元以來石刻前爲德慧寺

同

銅石山巖

石幽邃內有古佛像咸平二年詔賜大字御書藏於石室

輿地

勝紀

宋胡銓詩是處山皆石他山盡不如固非從地出疑是補天餘下陋一峯小高陵千仞虛奇章應未見名不下中書

青雲巖在城北八十里思良都高五十丈由雲霖巖嶙峋而來中斷忽起壁立峭然藤蘿蔓衍石磴幽折微處可容千人奇譎奧妙有逾鬼斧巖東爲精藍卽青雲寺也

縣志

石角巖在城北八十里思良都深廣十餘丈內有石塘水清可飲鄉人常避寇於此後巖深不可測舊志謂之石脚巖雲霖巖在城北九十里思良都高三十丈周二里許分二洞有石塘水極清冽內洞幽邃莫測鄉人有警居於此

雲浮山俗名雲利尖舊志誤作浮雲山在城北一百里順陽都高一百五十丈周四十餘里峯巒峻峙常有白雲浮其上

故名

俱同上

一名泉山

方輿紀要

陳霸先曾居此山上有偃松石牀



舊基焉

輿地紀勝

朝天几嶺在城北一百二十里順陽都高二百仞周六十里

巍峩倚霄一邑雄鎮也

縣志

石窟巖在城北一百三十里順陽都巖分爲三上巖天光幽  
闕混碧綠青中巖幽窈莫測下巖半壁闢一洞豁然開朗磴  
平如削溪岸相屬流泉瀉瀉石乳巧構物形萬象眩目左旋  
而上可二百步又闢一洞當門奇石狀如神人見者竦然陟  
其巔寬平約數十畝土人以小舟由浮雲水厯穿三巖屈曲  
潛沿而過洵奇境也

同上

鵲山單林洞在郡邑界

寰宇記

長圍石郡國志云以居人遠之故名

迹石山至于重陽晦日則雞鳴雲中

俱同上

鵲鵲山郡國志在羅水縣界

輿地紀勝

按宋開寶六年省羅水入陽春

三妹山劉三妹春州人坐于巖之上因名

同上

按寰宇紀輿地紀勝所載之山今不知所在

響石巖在石望堡離城百里嵌空玲瓏呼喚則應如人共語昔鄉人避寇于此後一峯端平可住數十家上有潛泉不竭不溢又後一峯有石室幽泉如小溪穿巖而出

縣志

冠溪水在城東八里許南廂都水極清美夾岸峭壁飛瀑瀉而爲潭澄澈見底有巨石平削臨流可坐數十人冬月引水由東門入灌泮池凡城中井通此水脈者味皆甘冽

同舊學

水源出射木諸山繞舊學基前經縣南行西流入漠陽江

吳志

按冠溪卽舊學水在涼繖岡之上名冠溪在涼繖岡

之下名舊學水古名博澥水輿地紀勝云博澥水出射木山繞縣南西流入漠陽江一名博馬水卽此水也

高遼水在城東三十里發源臺嶺曲折流二十里經流村灣入漠陽江

博麻水在城東北二十里發源淡苔嶺流二十里合麻黃水經北瀧河西流入漠陽江俱同上

漠陽江一名雲浮水源出縣西北雲浮山經縣西東南流入陽江縣又南入於海大清一統志雲浮水有二派一自山巔東下

過容郎村南流爲漠陽江匯諸水經縣西入陽江縣界一自巔西下流經柳崗七十里過羅定州西南入記崗水縣志

博澥水在縣南源出射木山西流繞縣南入漠陽江一名博

馬水

輿地紀勝

舊學水在城南二里源出射木山

廣東輿圖

按舊學水即博潞水府縣志謂此水流繞舊學基前經縣南門西流蓋以此得名耳

輪水出縣南五十里之穀岡流十五里經黃沙灣入陽江縣

界

方輿紀要

石綠水出縣西三十里石綠山流五六里合渡口水入漠陽

江

同上

羅水在縣西八十里源出羅黃山東北流合麻逢水又五里

經大沙灣入漠陽江

大清一統志

吉流水源出西南盤僚山木綿村至藏洞流入羅水

輿地紀勝

木柵山在縣西一百二十里一名黃槁水源出太平都廉山

脚

方輿紀要作了醫諸山府縣志作廣山

水清而急東北流穿巖底過合富林

水入漢陽江

大清一統志

一名甘婪水郡國志夷語以穴爲甘以

穿爲婪甘婪者中州所謂穿穴也

方輿紀要

博學水在縣西北一百二十里源出霜黃山南流至博學村

合勤州水入漢陽江

大清一統志

麻逢水一名麻陳水在縣西南一百五十里源出電白縣東

嶺諸山水清而淺流百餘里合羅水

那烏水在縣北四十里源出縣東北五十里大崗諸山西南

流十里至那烏石又西流入漢陽江

羅鳳水在縣北五十里源出白木嶺西流五里經龍江灣亦

名江腰河又西入漢陽江

勤州水在縣北八十里源出狼狂山流十里合雲霖水入博

學水

雲霖水在縣北八十里源出盤龍諸嶺繞舊銅陵縣至雲霖

巖入勤州水

俱同上

溫泉有二一在城西百二十里太平都單竹村闊三丈長四尺深尺餘一在城西南五十里南鄉都固村長闊四尺深二尺許俱熱如湯寒沍亦然

吳志

白水灑在南廂都平坦堡水由峭壁飛噴而下勢若垂虹聲如雷殷晴雨無異

縣志

響水泉在城西七十里龐垌堡從石壁飛下闊丈許凡三疊如曳練下注一潭深廣數丈許湍聞十里祈雨響應

同上

### 陽江縣

羅山在城內自東山逶迤半里突起平岡其形如羅左爲縣治右爲學宮上多木棉皆南宋時所植當春花紅如火明解

續詩羅陽二月火燒天是也今其樹僅有存者好事者補植

之以復舊觀

縣志

望寮山在城東半里橫峙如屏其南麓為教場有演武亭今

圯

東山在縣東一里許上有東山寺

俱同上

王母岡在城東三里高十餘丈周十餘里相傳西王母曾駐

節於此岡有妙法菴今廢

吳志

宋曾鞏詩岡空雲散靜如銀石證層層接九宸翠竹影搖湘浦夜碧桃香盡武陵春但知此日燒丹竈不見當年駕鶴人游遍瑤池歸去晚

一華長嘯月華清

鷓鴣山在城東十餘里高二十餘丈峯小而銳其頂有螺壳

亦異事也

縣志

那關大頂在城東九十里山勢峭峻眾小峯羅立土人名公

抱孫

文筆山在城東南三里明萬厯邑人工部主事李天培建塔其上國朝縣令孫廷鐸毀之康熙五十七年復建

尖山在城東南十五里高三十餘丈尖峯挺秀其下有渡名

尖山渡

俱同上

魚王石在城東南二十里每年雞尾魚來朝一次

吳志

北津山在城東南三十里高三十餘丈自爛頭山東南行迤

邐而來外捍奔潮內衛村陌邑治之門戶也萬厯四年總督

鄒御史凌雲翼奏立北津水寨十四年建城於山之西麓設

水寨把總守之上有望海亭久廢

縣志

三寶山在城東南四十餘里高二百丈三峯平列形如寶蓋

其西北爲崖鷹山逆轉而北爲百足山順行西南別起一峯



頭平多石而破者爲爛頭山此方惟三寶山最大百足山最長崖鷹山最銳爛頭山最破

響水山在百足山西南其山多石山半有池池水數層遞下一層輒一石坎水流激石韻甚清越石鱗蒲草叢生時有小魚蝦潛躍其間旁植松松下多石平廣可坐山麓樹木蒼蔚中有古廟重九文士登高賦詩往往至此

俱同上

海朗山在城東南五十里臨海高百餘丈亦名鎮海山

廣東興寧縣

巨石磊磊石上刻鎮海山三字一石一字每字約大五尺

縣志

按鎮海山在海朗所故城內鎮海山三大字不知爲

何人所書

拳石洞在城東南五十里海朗所城後南望大海極目天際武林梁鵬建亭其上刻拳石洞三字今圯

北環山在城東南六十餘里壁立海旁石路險峻土名羊跳石嘉慶戊午邑監生梁振廷倡捐鑿石通道直達東平行人便之

俱同上

紫羅山在城東稍南九十里接新寧縣界高四百餘丈縣垣數十里多藤蘿紫烟一名烟蘿山

明一統志

瑞靈山在縣東舊名烟蘿山卽此唐時有瑞光燭天祥白其事勅置院開山伐石龕得古經一函題曰大佛名經古碑存焉今莫考其旁爲響水潭水聲如雷土人相傳往往有蛟從此出云

縣志

小鳳雛山在城東北十餘里峯如卓旗

大鳳雛山在城東北二十里高二百餘丈峯巒聳翠勢若展旗官山卽其東角宋尙書李喬木之墓在焉

馬銜山在城東北五十里自金花嶺攀躋十里至山頂高二百餘丈有龍潭三絕頂巨石如砥可容四十餘人正北一石陡立刻龍潭聖蹟四字石旁鑿開如馬銜勒水從鑿注爲上潭周六七丈清澈而深環石右注爲中潭又流下山麓爲下潭旱取上潭水禱之輒應有石碣惟五聖字可辨疑古有祠宇旁石如舟剝其腹後連合溝山昔爲獠丁所居今無

秀石山在馬銜山東北頂有巨石平坦可坐百人昔有獠今無俱同上

合門山在縣東北六十里夾蓮塘水對峙如門大清乾隆

十一年土人建於山腹

縣志

劉三尖在城東北七十里峯巒尖秀

瑣山一名白空石山在城東北八十里上有白石似玉高丈

許天將雨夜發大光遠望之燦若列燈俱同峯如卓圭清一

統志

斜嶺在城東北百里那柳舖東五里縣志昔為官道所經蹊徑

險惡明正德九年御史高紹改營通道避險就夷人以為便

大清統志

茶托岡在城西二十里形如茶托故名廣東輿圖銅鼓岡一名茶

托岡相傳岡上有父母二字大二丈餘深至尺闊如之周遭

俱有青草獨字畫中不生今莫考縣志

相打岡在城西三十里高五十餘丈表五里吳志

羅琴山在城西五十里高三百餘丈廣東輿圖昔羅含嘗携琴遊

此故名山頂有石如棋盤云仙人常下棋於此輿地紀勝山在城

西三十里高四五百丈西峯上有巨石多細尖南峯為大尖

其陽爲掛榜山其陰爲岑公洞朝陽爲麻直夕陽爲磨刀中有龍潭雖冬不涸鳴輒與雲雨旱取水禱之輒應石刻有捷如影響字山頂又有石刻琴形世傳仙人所遺又有石如屏產蜂蜜梅桃金橘攀躋甚險人鮮能至

縣志

元琥端珣詩三尺絲桐月下彈一聲清響落空山仙翁自笑知音少兩袖天風跨鶴還

獅子嶺在羅琴山西二十里屹立海旁其形如獅程村坡尾織簣諸河會處其麓卽濠山門汎

探花岡在城西四十餘里岡巒秀潤高不盈三十丈元探花李梅國祖墓在焉故名

王公嶺土人呼爲王婆嶺在城西百三十里近舊沙逕墟山逕懸崖礪石不通往來明萬厯四十八年叅將王揚德新開逕路人以爲便故名

石圭山在城西百四十里高二百餘丈縣亘十餘里卓立如

圭其北爲連化嶺東爲王公嶺

俱同上

望夫山在城西一百六十里高數百丈縣亘數十里界連電

白縣上有石如人引領狀故名旁有丫髻石稍南爲鍊帽頂

山

廣東山圖

丫髻石春夏常有雲覆其上雲開必風語云望夫丫

髻見海上好收船甚驗山產竹其最高者爲鍊帽頂高峻插

天舊志云狼獾據爲巢穴常調神電指揮駐雞籠山守之

縣志

梅崗山在望夫山北高二百餘丈以產梅故名

廣東輿圖

頓鉢山在城西南二里臨江西岸形如覆鉢明萬厯間邑人

李天培建塔其上

縣志

雁村山在城西南二十里高百餘丈有雲覆之必雨西麓有

天后廟土人多在後山挖石知縣李雲出示禁止飭令栽植

樹木爲廟中香火之資瑯琊山在山南南樂山又在瑯琊山之南三山參立爲邑西南之嶂

豐頭山在城西南五十里其東南卽海陵山其下爲豐頭潭海面闊十餘丈昔海氛未靖時賊艘多竊入泊此

雙魚角山在城西南百五十里卽丞相嶺西南盡處外控大海急流洪濤頗稱險峻

卽官山在城西南七十里高六七百丈絛亘數十里北出爲官倉山東北爲通天竹東爲馬牯嶺盡于豐頭山西南爲丞相嶺盡于雙魚角山南有瀑布高數十丈望之如雪又南麓有龍潭形如葫蘆闊二丈餘深不可測澗水入潭聲鳴如鼓

俱同上

按卽官山一名卽高山見輿地紀勝

福靈山在城西南百六十里以形似得名

志

北額山在城西南百六十里望夫儒洞諸水出其下康熙十

年創建砲臺嘉慶六年十年增築新臺添兵防守

同上

丞相嶺卽官山西南之一峯相傳宋丞相留正紹興中嘗爲

陽江縣尉故名

大清一統志

按縣志云上有碑刻嘉慶元年乙卯二月丞相之記

餘字漫滅不可考通志唐崔珙以丞相貶恩州司馬

嘗往州西登眺後人名其岡曰丞相岡但珙貶時乃

會昌四年與碑刻異按宋丞相留正於紹興十三年

授陽江尉遊此後其子碩嘉定間來知州事立碑令

馬村高坡黎村宮花博平那羅六村守之歲時致祭

免其更繇嘉慶卽嘉定也蓋石久剝泐卽上數字亦



未真耳山之得名是爲畱非爲崔也縣志以丞相爲  
畱正是矣然嘉慶乃國朝紀年唐宋時安得有此  
年號乎考嘉定元年乃戊辰非乙卯也疑是宋寧宗  
慶元二年乙卯耳且正謫官在紹興十三年其子碩  
隨至陽江其年當在十齡內外至嘉定間年已八十  
餘必無遠宦之理其慶元時無疑矣所謂嘉定時者  
其說亦不可信

望海岡在城南六里宋紹興三年知州王治築臺其巔曰望  
海臺胡忠簡公登臨賦詩卽此今廢

縣志

北有甘泉俗謂之神

井

廣字記

宋胡銓詩君恩寬遠客萬里聽歸來未上凌烟閣先登望  
海臺山爲翠浪湧潮拓碧天開目斷雲飛處終身愧老萊  
明沈孝思詩縣城南面有高臺此日登臨雲色迴春樹萬家  
陂浦接白雲千疊蜃樓開蠻方固是投荒路楚客偏工作賦

才一自生還留勝蹟  
至今天地幾人來

南津山在城南二十里與北津對峙其南海環疊沙爲堤長  
十餘里直達津門關夾港口旁爲銀坑山縣志有十八井相傳

宋南恩州知州余久大鼓冶于此

大清一統志

獨石界在南北津之中一石兀立水面高數丈周數十丈縱  
有大潮不能滅頂出海口二里許其下深不可測嘉慶二十  
二年閩邑建塔其上

縣志

海陵山在城南七十里大海環之周二百餘里舊志螺洲一  
名螺島又名鶴洲中列數峯最高者爲草黃山上有盤石石  
非人力可致而粘蟻壳難以理測矣其東盡於平章山卽宋  
大傅張世傑葬處西南盡於馬鞍山馬鞍山西北爲咸船澳有  
砲臺雍正十年設海陵巡檢司亦駐其地上同羅州一名海陵

在陽江縣西南輿地紀勝舊名羅洲又名羅島其中峯爲草黃山東爲平章山西南爲馬鞍山山爲戩船澳西北爲鴉洲山戴通志

按鴉洲廣東輿圖作鶴洲羅州卽螺洲

馬母山在馬鞍山之南如馬掛海中腰有石高丈許下有石盤載水數升不涸不盈一名馬尾山其外卽馬尾洋縣志

北山在城北二里怪石林立頂有石塔識云若還此地好建塔鎮州衍宋保祐間知州黃必昌建塔以應識其北有石如掌可容十餘人名仙人石宋守王亘鑿渠石上爲葫蘆形激水流觴時人稱爲流杯池續志云開禧間知州鄭大韶鑿未知孰是四旁大石多宋元以來詩刻明嘉靖間知縣吳煥章刻小蓬萊三字舊有熙春臺瑞禾亭翠巖亭寧國圓明二寺

今廢其南麓唐越國公馮盎墓及宋義塚在焉

金雞石在城北小洲上相傳宋時有金雞飛立石上追者至

墜於水因廟石側石刻金雞古跡四字上俱同郡國志石上每

見有金色雞鳴於上寶字記

鳳凰山卽北甘山縣志北甘山在城北二十里吳志一名北甘口

輿地紀勝南恩州北甘山壁立千仞其瀑水飛下猿狖不能至鳳

凰巢其所食亦蟲魚遇大風雨或飄墮其雛小者如鶴而

足差短南人截取其喙謂之鳳凰杯古書謂鳳皇住于丹穴

丹穴卽南方也倦游錄

麒麟嶺在城北四十餘里八所軍屯在焉縣志

東岸山在城北五十里與北甘槩峒翼峒石龍隨峒諸山絡

繹相屬接疊南下昔有獠今無

高嶺石洞在城北五十餘里其洞門紆曲僅容一人內寬廣可容千人有泉出其下響如鳴珂昔有避賊者居其中賊不敢入門有古物如甃甃搗之若粉轉入一洞上透天日峭壁不可上下鄉人名爲鍊城

雨霖山在城北六十里巨山嵯峨亘數十里密箐深林雖烈日中葉露恒滴中有潭四時不涸邑城之祖山也

羅嶺與珠環蟠龍三山在雨霖之北縣亘相屬接陽春界明一統志羅嶺出沉香今無珠環山舊傳出硃砂以竹插入土中砂卽滿管而出今無蟠龍山與陽春分界山種縮砂比他處所產價常三倍

烏石山在雨霖山之西石坑山又在烏石之西峯回嶺接舊有猺人今無

三汲山在海陵南十里屹立海中形類筆架

大鑊山在三汲山東三十里

二鑊山在大鑊山東二十餘里

葛洲山在東平墟南海中與新寧分界

蝴蝶洲在咸船澳西南三里如蝶浮水中

玳瑁洲一名雙山在雙魚角東十里兩山對臥中通一門相

去里許如玳瑁故名

俱同上

按三汲以下諸山皆在海中

翠鳥山在縣東二十里

元和郡縣志

仙人石在洲東北有湖闊一里湖北有石云是仙人飛下此

石一曰仙人牀

寰宇記

桃花山有桃花水如武陵者

同上

博泥山在縣東下有鹵田

輿地紀勝

牛山在縣西舊圖經云山形似牛

同上

按翠鳥以下五山今不知所在仙人石疑卽北山之仙人石也又縣圖有龜山在縣西南雙魚所之上而縣志失載附記於此

蓮塘河在縣東六十里源出恩平縣白馬山經流縣東北百里邠龍村曰邠龍水過蓮塘驛曰蓮塘河又經縣北六十里合門山山夾蓮塘水對峙如門也南流六十里至縣南十五里尖山渡合漠陽江

方輿紀要

邠龍河一名琨水發源恩平西

流東受邠關清湖頭水過邠龍墟北受邠吉水又十餘里北受三龍河岡二水流二十里出合門經舊蓮塘驛名蓮塘河又數里南受杉山涌水又三十里北受石崙泉英村涌水南

受笏村涌水過尖山於木賚窖下會鼉江

縣志

木賚涌在城東南五里受大坑及王母岡之水出三合河由

北津入海

吳志

北津港在城東南三十里受城西漠陽江城東那龍河諸水以達於海每潮起洶湧而入遇風則其聲砰擊如雷下多陰磧舟楫往來非老舟師莫辨萬厯十四年建城其上續增築砲臺守之

縣志

三丫港在城東南六十里東受紫蘿山西之水西北受那澄嶺三寶山南之水南流入海

同上

那吉水在城東北八十里出那吉水崗等山入琨水

吳志

籬竹逕水在城東北九十里出籬竹逕等山西入琨水

同上

鼉江舊名漠陽江以古南恩州地又名恩江一源出陽春城



北諸山名大水一源出陽春城西諸山名小水會于春江至  
黃沙涌北受輪水又數里西受青湖水至沙河北受第八河  
水至牛場歧爲二派東至獨州都激而成淵相傳有龍潛其  
間因名龍濤將及城十五里東受沙涌橋之水近城三里受  
南金浦之水過城西郭外以江繞巖山之右名巖江南流至  
三洲復歧爲二東南流者經大萌北東至木賚窖與那龍河  
會西南流者經大萌南迤注石潭其西派名西河自牛場過  
麻橋黃江碧橋至採花岡西受造性涌水至關村西受石灘  
水經蛟龍灣埠場渡轉東十里爲石潭又東數里至木賚窖  
會其東派俱由北津入海東派西派中穿數小窖潮長可以  
通舟三洲近處多成洲渚

縣志

宋曾鞏鱗龍濤詩龍濤夜夜飲雙虹涼月清秋萬里風映水  
蓼花丹嫩灩澦綴林霜葉玉玲瓏樵驚落雁催殘照漁傍浮鷗

# 封爵世職表

公侯伯子男

狄 柴封 顧 成 明 顧 興 祖 侯 復 生 事 除 侯

國 公 侯 顧 興 祖 侯 復 生 事 除 侯

顧 成 明 顧 興 祖 侯 復 生 事 除 侯

公 侯 顧 興 祖 侯 復 生 事 除 侯

顧 成 明 顧 興 祖 侯 復 生 事 除 侯

顧 成 明 顧 興 祖 侯 復 生 事 除 侯

顧 成 明 顧 興 祖 侯 復 生 事 除 侯

顧 成 明 顧 興 祖 侯 復 生 事 除 侯

顧 成 明 顧 興 祖 侯 復 生 事 除 侯

顧 成 明 顧 興 祖 侯 復 生 事 除 侯

顧 成 明 顧 興 祖 侯 復 生 事 除 侯

顧 成 明 顧 興 祖 侯 復 生 事 除 侯

顧 成 明 顧 興 祖 侯 復 生 事 除 侯

顧 成 明 顧 興 祖 侯 復 生 事 除 侯

顧 成 明 顧 興 祖 侯 復 生 事 除 侯

顧 成 明 顧 興 祖 侯 復 生 事 除 侯

子

狄 遵 禮 封 侯

輕 車 都 尉 騎 都 尉

雲 騎 尉 恩 騎 尉

郭 松 林 等 郭 明 楚 都 尉

郭 明 楚 都 尉

吳 照 戴 臣 廉

郭 傳 徵 龍 戴 立 本 都 尉

郭 傳 徵 龍 戴 立 本 都 尉

戴 立 本 都 尉

譚 拔 萃 等 襲 子

譚 拔 萃 等 襲 子

易 邦 易 掄 元 弟

黃 潤 昌 都 尉

黃 潤 昌 都 尉

易 邦 易 掄 元 弟

馬 永 勝 等 襲 子

馬 永 勝 等 襲 子

易 掄 元 弟

黃 鯨 祐 昌 襲 子

黃 鯨 祐 昌 襲 子

易 掄 元 弟

陳 萬 勝 等 襲 子

陳 萬 勝 等 襲 子

馬 義 誠

郭 文 武 都 尉

郭 文 武 都 尉

賓 世 法 興

郭 人 凱 林 雲 襲 子

郭 人 凱 林 雲 襲 子

賓 世 法 興

王 馥 廷 都 尉

王 馥 廷 都 尉

黃 永 福

馬 傳 政 永 襲 子

馬 傳 政 永 襲 子

黃 永 福

王 誠 基 廷 襲 子

王 誠 基 廷 襲 子

黃 隆 秀 福

陳 達 祖 萬 襲 子

陳 達 祖 萬 襲 子

羅 光 臺

譚 代 嶽 平 襲 子

譚 代 嶽 平 襲 子

羅 德 偶 臺

羅 達 元 襲 子

羅 達 元 襲 子

羅 德 偶 臺

光緒十四

封爵世職表

湘潭縣志

羅承恩子達楊桂芳

楊文輝子襲楊玉書子芳

羅萱子襲郭芳鈐

羅正浙子道郭人瑞子芳

湯福春子襲劉本傑

劉斌子襲劉輝喬子傑

湯德湘子襲左清華

李長春

陶克敬

蔣德勝

羅定太

戴光前

李國泰

劉春芳

李蘭桂

謝清勝

趙友桂

黃芹香	龍開宗	莫得雲	潘步雲	袁光明	張庚	蕭恩鏞	蕭之樸	龍德福	郭萬年	仇盛志	仇祥	彭國清	左玉隆	莫國華	黎光勝	黎桂林	左鴻福
-----	-----	-----	-----	-----	----	-----	-----	-----	-----	-----	----	-----	-----	-----	-----	-----	-----

一

4

吳長發

黃振楚

黃繼勳

劉鎮南

柳家倬

謝有生

郭芳鑑

丁 丑 科

長日早

易太

劉輝高

謝銘恩

李基琛

鄭本和

吳子良

黃星極

李子翹

黃學傑

晏宜休

10

河都田資灌溉流四十里入羅江縣志

新開河明成化六年僉事陶魯開一自邗龍渡東一里許鑿之使通恩平南階山前鋪之水以達蜆岡一自縣陽涌鑿使西流以達麻濛皆遇石而廢夫陽江南逼大海外藩單弱所賴通海道者惟北津一門倘易稽察防守若開鑿麻濛新河則西南一面無崇山峻嶺爲之障舟自豐頭乘潮可直抵城下易啟奸人窺伺之心爲害滋甚後有議者當力爭之也同上

衝崗水在陽江縣界南流入漠陽江輿地紀勝

按衝崗水今不知爲何水

鎮海在北津外東屈而北達新會東莞廣州西轉而南達高雷廉瓊商運咸取道于此吳志

海在鎮海外吳志縣南三十里大清一統志投荒錄云恩州濱海最

爲蒸濕當海南五都泛海之路凡自廣至勤春高潘等七州  
舊置傳舍自廣州泛海行數日方登陸行人憚海波不由傳  
舍故多由新州陸路云實宇紀有浮弄洲在縣西南輿地紀勝海西  
南自電白入陽江界歷雙魚所海陵山北津港至海朗城爲  
陽江門戶自大澳而東北卽新寧界中有柳渡三洲大金門  
上下川皆有水師哨守縣南海防考

甘泉在南門城外教塲水甘特異秋冬不竭吳志

東山泉在東山寺左水清冽四時不竭康熙八年叅將范明  
道砌以石

清泉在北津教塲平地湧出最爲清勝

淡泉在城東南六十里三丫港鹵水旁一泓清淡卽海潮掩  
過其味不改俱同上

湯泉有三一出北慣熱水管官路南一出南河都蚺蛇岡東一出水南村西四時暖氣熏蒸居民恒就澡浴與沸水無異

縣志

石井城內外共九處崇善坊二宣化二東門一羅家巷一五馬坊二濠角巷二惟崇善坊街西石砌深丈餘闊三尺水清冽四時不竭宋人刻有執瓢從之四字

吳志

官井在宣化坊街北水秋冬不涸汲以煎茶隔宿不改色邑人相傳宋時所鑿淳熙間簿尉區麋僉造石刻數字萬厯戊申同知徐璘立亭其際復建坊題曰萬年惠澤

同上

陶公井在儒學明倫堂牆外味冲澹特異他井相傳爲陶魯移建今學時鑿故名今廢有石碑表其處

縣志

甘泉井在城南文明門外甘泉巷左水甘異常故以名巷

吳志



風井在縣西北五十里南河都井在山之巔闊丈餘深不測其下空虛無物天將大風井內先鳴三日鳴止必風故名風井水注不洩不盈山谷神奇殆不可曉同上

### 高明縣

青玉山在縣治後山形如龜溯水讖云水到龜頭出狀元明萬曆十年知縣張佐治開西門迎西溪以應讖吳志

碧玉山在城內學宮展之

縣志

倉玉山在城內舊有預脩倉當其麓今廢

同上

歌樂山在縣東二十五里高三百餘丈覆二十餘里

吳志

興縣東二十里風起聲如音樂

輿地紀勝

仙跡岡在城東四十里羅俊都高四十丈頂有一石足跡宛

然世傳仙跡云

吳志

龜峯山在縣東四十里山體皆石突出江畔西江水皆匯于此其麓有蟹眼泉石數武有犀牛洞

大清志

山坐清溪都明

區大相大倫建塔其上

縣志

文儲山在縣東五十里文儲都高三百餘丈覆一百五十里與千歲山相接羣峯峻峭上有飛泉下流成淵名曰聖潭祈雨輒應山麓麥氏居之宋寶慶間麥夢協讀書其上其室名種學吳志寰宇記有奢山在高要縣南九十里山有丹砂土人語訛爲奢其南有栗砦山今文儲山正在栗砦山之北去高要約八九十里蓋卽奢山也明統志以阜幕山爲奢山誤

大

清一統志

按阜幕山卽曹幕山

阮通志

奢山今隸高明

白鶴岡在縣東南五里邑之下關也

吳志

按白鶴當作白鶴

水蕉山在縣東南二十里中有大石澗澗水盤流多生水蕉

鄉人於其下築陂溉田

大清一統志

雲岫嶺在縣東南四十里田心都與新會馬岡夾界其東麓與南海大楂嶺接

吳志與鶴山界縣志

按雲岫方輿紀要作雲澗誤

象岡在清泰都其形如象

同上

五龍山在縣東北十里停步羅塘二都與鶴山相接五山奔伏中有圓阜俗呼五龍爭珠山

鶴山在城東北十五里停步羅塘二都高二百餘丈覆五里世傳有仙鶴巢其上

馬鬃岡在城東北二十五里古壩都

俱同上

步洲竇水出其麓

舊志不察遂以爲古壩水

縣志

靈雲山在城東北三十里范州都尖峯插漢頂有石泉泉有

錦繡魚旱禱輒應

吳志

舊名師姑山下有逕通高要麓有三峯

名三台山

大清一統志

表山在縣西二十里高百餘丈廣三十里高出眾山之表少

南有蟾蜍徑舊爲官軍防守處

方輿紀要

千歲山在城西三十五里高百餘丈形勢突兀與文儲山相

接

廣東輿圖

龍虎山在城西南十里楊梅上倉二都兩山對峙左一石蹲

如虎有穴泉水極清右一石蟠如龍深邃不測俗呼爲龍虎

頭

吳志

鹿崗石在縣西南十五里楊梅大幕二都拱向縣治羅列如

屏高二百餘丈延袤四十餘里亦名鹿崗尖

栗砦山在城西南四十里文儲都高數百仞周百里其形截然中有石壁飛瀑下流成潭名武陵溪

按一統志云奢山南有栗砦山產山棗葉如梅果似荔支九月熟多錦鳥鰕魚又有元鈎鳥鳴卽雨至郡國志亦云砦山在奢山南今在奢山西北云南誤也

所載物產今亦無考

吳志

慢頭嶺在縣西南五十里通新會崇正丙子知縣郭斌選斬

賊張亞金處

俱同上

雲宿山在文儲都高數百仞周五十里接鶴山縣界

縣志

平頭逕在城西北十五里一名鷓鴣峽高二十丈老香山之

水流經此入高要界

大清一統志

老香山在城西北五十里高三百餘丈延袤五十餘里

廣東輿圖

吳錄云端州有端溪山產五色香木

寰宇記

輿地紀勝云老香

山在平興縣西一里蓋卽寰宇記所引吳錄之端山也

清一大

志統跨高明新興二縣新興縣北有利山卽老香山隨地異名

耳志通山上有雲西巖大書無生普鏡心報恩在八字尙存

文峯在縣南二里形如卓筆爲學宮面山

大清一統志

鳳山在縣南二里水石清麗林木葱蒨

同上

龍岡在城南三十里一名龍峒一石高二丈餘曰聚仙臺又

有三生石舊志作在城西三生石作三山石皆誤

廣東輿圖

上有

雲竇水注而下飛瀑如簾分流左右達鍊橋澗入大小龍井

右繞聚仙臺出天池

大清一統志

沿澗產九節菖蒲

縣志

皂幕山在城南四十里高千餘丈延袤百餘里

狗坑嶺在城南五十里山徑峻險通新會吳志通鶴山徑道縣志

慶林山在城北一里方輿紀要與朋峯相接高五十餘丈長一里

宋提刑譚惟寅建書院其上吳志

春富山在縣北一里壁立稜層上有石巖巖際花木方春尤

盛故名同上

按方輿要紀云慶林山一名春富山考地理志二山

雖在城北一里之外形勢不相聯絡實兩山也

朋峯在縣北十里兩峯並峙形如朋字頂平高三百餘丈覆

五里黃通志

官徑山在縣北十里脈自老香山來東西連縣數十里中有

通徑二十里入郡必經之路吳志

七星岡在官渡汎形如七政橫亘河中爲一邑捍門

縣志

步洲竇水在城東二十里舊志相沿稱古霸水今考源出古

壩都鶴山馬鬃岡諸山流入倉步水非名古霸也

廣東輿圖

范州水在縣東三十里源出靈雲山接府東南之北港水匯

牛圍水入倉步水

方輿紀要

元初北港自府界羅鬱港引大江入

境鄉民病潦至正四年塞之以港爲魚池內潦無洩新羅范

州都復受其害明萬厯辛巳郡守王泮通港設竇名曰騰蛟

以港口漁埠十一梧州渡二與竇坦市廛永給爲修港之費

萬厯丁亥郡守鄭一麟濬港通水建閘設橋

縣志

鹿崗水在縣東南五里源出鹿崗山

大清一統志

北經樟村至沙

岡入倉步水

縣志

清泰水在縣東南十五里源出曹墓山北流三十里與暗竇



水合又數里與黃沙羅漢水合又北十里入倉步水俗名楊梅水又名獅子水以水有石如獅子也

大清一統志

清泰水在平

興縣流經古勞山入江又麥圃水在平興縣東南六十七里

源出曹幕山北流合清泰水

輿地紀勝

暗竇水在縣東南二十五里源出龍洞深谷中東流入楊梅

水

大清一統志

雲宿水在縣東南五十里出雲宿山東北流注倉步水

倉步水一名倉江一名倉溪在縣南門外

俱同

源出老香山

東流二十里至合水村雲宿水注之又東二十里至米埠鹿

崗西北諸溪注之五里至南岸幕田小溪水注之十里至小

白鶴鹿峒東溪注之十里至清泰楊梅大溪步州竇小溪注

之十里至牛圍口范州水注之十里至官渡頭湮潯水注之

又五里大渣小水注之又數里入西江

縣志

石頭陂水在清泰都源出蕨村諸山謂之黃沙水至楊梅墟下入楊梅水

溫潯水卽官棠水也出官棠諸山流至官渡頭入倉步水古壩水出檐車嶺東繞古壩村流五十里入于江

俱同上

### 恩平縣

獅子山在縣東八里上有巨石如獅子

吳志

金雞山在縣東六十里高五十餘丈舊名金雞頭

縣志

羅漢山在縣東六十里析入開平界連本邑

廣東輿圖

金臺岡在縣南稍東八十里灣雷海中形如覆船初號覆船

山

縣志

藍坑山在縣東南三十里高二百餘丈縣延三十里材木所

星房月二  
產作室者資焉

石逕山在縣東南四十里

俱同

藍坑石逕昔爲十三村盜藪

今皆樂土

方輿紀要

南階山在縣南稍東十里明成化間陶僉事欲通那龍之水

鑿仙人河源出此山遇石而廢至今河形尙存

采訪冊

北獵山在縣東北一百里其形如旗俗傳內有船坑米坑

縣志

龍龍山在縣西十里卽大人山

吳志

一名龍山高三百餘丈周

七八十里中有龍潭號聖水東面有穴清泉瀉出名曰水磔

大清一統志

龍龍江山在恩平縣西南山形似龍下有龍穴往往

興雨云是龍洲

寶字記

傍有紫霞洞山下有廟爲禱雨之所

縣志

按龍龍山寰宇記作龍龍江山本在陽江縣界中析

入恩平舊志分龍山龍龍爲二非也

國朝周書詩西山峩峩碧霄裏下有龍潭深無底土人禱而  
飛龍祠潭水忽腥龍欲起仰望黑雲一片橫高峯倏忽散布  
彌虛空日色曠曠松影  
亂樹頭已來少女風

紫霞洞在龍潭山一澗懸流有巨石高三丈許廣稱之橫障  
澗半水從石頂瀉下若機絲然石前有巖巖中有池清澈可  
鑑數石如砥出水面可供遊人箕坐修木千章蔭覆其下卽  
酷暑亦必衣袷巖北兩山翼之爲吳元良故壘

國朝周書詩遠城皆高山巖業枕原野我登大人山眾山乃  
在下披榛探古洞軒瞻若廣厦一澗懸空流因風自飄灑澗  
半巨石橫水從石間瀉細若機上絲握之不盈把有巖復有  
池池清石如蒲修木枯藤葉暗壁蒼烟惹久坐生微寒衣袷  
忘盛夏勝遊不在遠此景頗幽雅只在郊圻間到者何乃  
寡日暮未言歸流連愛難捨何能窮丹青一一爲描寫

碧雲島去紫霞里許澗從石落高約二十餘丈下注爲池池  
畔有釣魚石平衍能容十人仰觀飛瀑若捲簾然壁間時有  
五色虹文隱見左上小壑曰謫仙宮薜蘿倒垂天漿滴瀝自

苔而落地前數步一石隆然負古木而起若雲屏然水流曲折而東兩山東之懸崖絕壁莫可攀躋循澗而出十步一池

池石奇磊萬狀

俱同上

國朝周書詩昨遊紫霞洞春春不忍釋今來碧雲島境界更奇闢澗水瀉高峯平地漲寒碧寂寞釣魚臺上覆松與栢潑瀑落樹梢珠簾千尺峭壁橫斷虹蜺情彩蕩相射潑龍乳光日影瀟灑巖隙左上下得小壑云是仙所宅藤蘿絳翠龍乳滴瓊液空盡見雲屏益窄俯瞰百丈溪性命輕一擲回頭呼截木架危梯山峻梯益窄俯瞰百丈溪性命輕一擲回頭呼同行莫肯相扶掖恨不生羽翰飛鳥度雲脊綠崖出澗隈驚汗出肘腋足倦與未衰喘定意殊適會野窮俯笑暇駐雙屐十步復一池一池輒一石池紋蹙青蘿石筍排劍戟池石多怪奇愈人愈幽僻曲磴蘚苔封歲久無行跡詎必非人間迫與塵凡隔故哉茲日遊不負烟霞癖

印岡在城西南三十里高二百餘丈

廣東輿圖

雙羅山在縣西南五十里大八山之極南也稍南為那吉峒

志縣

石圍口山在縣西北二十里卓立江口巉巖峭絕石壁刻元至正癸巳學正鄭文超撰記字蘇蝕多不可曉大抵爲平崗寇而作

溫泉山在縣西北三十里仕崗都其形峻峭下有溫泉舊志名馬頭岡以與縣北八十里之馬頭岡複故改今名

雲立山在城西北四十五里仕崗都高二百餘丈周十餘里去溫泉山不遠山西南亦有溫泉其氣上蒸蔚然如雲

鼓角樓山在縣西北七十里下有泉瀉十餘里至牛岡渡合流而東其上有天堦洞石洞

鴻嘴山在鼓角樓後形如鴻嘴縣亘數十里至獨鶴水昔爲賊壘嘉靖丙辰征雙石頂卽此

俱同上

觀音山在縣西北八十里高二百餘丈

黃通志

連陽春縣界稍

南為雙穴徑廣東輿圖

茶山在縣西北八十里林木美盛戴通志

清油山在縣西北八十里高百餘丈吳志

君子山在縣西北一百里接新興縣界左有仙塘下有仙池

古木交翠石澗奇絕狼狽居之南為上水竹崗恩州別源出

此大清一統志

平城山在縣西北同上恩平江出平城山懷宇記山在陽江縣東

北舊恩平縣西北輿地紀勝

鳳凰山在城南十里高丈餘廣東輿圖

白馬山在縣南二十里高三百餘丈縣延二十餘里竦立如

馬方輿紀要

金婆山在縣南稍東三十里自北連山赴海南至灣雷縣志

石神山在縣北二里亦名鰲山擁縣治後

吳志

按石神山葉春及府志作石肺山

國朝周書詩石神山頭多古松樓挈天矯蟠虬龍亂鋪雲影覆蒼壁嵐光樹色相溟濛上有千六百年一變之元鶴下有出爲青牛白犬之茯苓乘之可以御天風服之可以修延齡日行空翠亦已足世人那得皆長生

那尖西山在新城後八里高百餘丈

廣東輿圖

馬頭岡在縣北八十里靜德都下有神壇

縣志

雲岫山在縣北八十里明嘉靖丙辰征良塘巢副使毛吉從

新會破賊于火燈逕至此遇害因建毛公祠今遷於縣

同舊

有雲岫營接新興縣界

方輿紀要

天露山在城北一百里俗呼爲鍊鑪山高三百餘丈北爲新

興境南爲恩平境西爲陽春境稍東爲獨鶴山

廣東輿圖

按天露山在新興縣元和郡縣志義寧縣有天路山



疑卽此山也阮通志山在縣北八十里

方輿紀要

仙壇山在天露山下山有仙壇二水會流中產青蒲山澗幽

邃樹蓋如室人不易至

縣志

獨鶴山在縣北一百里一峯聳拔縣延三十里又名獨鶴尖

東曹幕山西北接老香山亦與新興分界

方輿紀要

廟子水在縣東四十里源出縣東南清潭角東北流至琅琦

涌口入南門河

大清一統志

橫槎水在縣東南十里源出藍坑山西北流匯南門河

方輿紀要

灣雷海在縣南八十里海勢灣曲潮聲如雷蛋戶居之非大

海也

縣志

恩平江一名南門河一名蜆岡水源出恩平縣平城山流經

縣南又東經開平縣南又東入新會縣界

大清一統志

南門河有

二源一出雙穴徑一出上水竹崗合流東南受潞頭水瀦爲相公潭又經縣西又東南受橫槎水迤東達於開平縣蜆岡受開平諸水至新會縣入海縣志

半河水在縣西十五里大田潞頭二水交會於此縣志半亭水在陽江縣自龍巖山南流入海輿地紀勝

潞頭水在縣西二十里源出龍巖山東北流入南門河清一大統志

潭流水在城北二十五里源出雲岫山南流入於南門河廣東輿地

牛岡水在縣北六十里源出天露山東南流至牛岡渡又東南二十里合開平石榴潭水入恩平江同上

獨鶴水在縣北一百里源出官陂與北獵山水合流亦名左

步水

吳志

溫泉一在邠古崗一在馬頭岡一在雲立山

縣志

### 廣寧縣

黃盤山在縣東北三十里高二十餘丈

方輿紀要

水槽嶺在城東南九里唐羅隱南遊過水槽嶺渴甚鑿石得

水書清涼池三字於石

廣東輿圖

按此殊不足信通志載之姑采入

潭圃山在城東南六十里高二十餘丈勢坦平

同連山險峻

至此甫平縣初建於此尋移今治

方輿紀要

先峰嶺在城東北四十里高百丈

吳志

黃蠟坑在城東三十里高百餘丈

廣東輿圖

落鞍山在城西一里高八十丈周二十餘里又名樂安山

縣志

相傳有青衣人乘白馬出山中俄墜地人馬俱失因名清一

統志

烏石山在縣西二十里高五十餘丈

吳志

三足山在縣西七十里一名三宿山上有三峯若列宿清一

統志

按輿地紀勝四會縣有三足山疑卽此

阮通志

森崗山在縣西百里高百餘丈山森秀多林木北連鷹崗山

向爲猺藪又有石壁在第八崗東五十里

縣志

高望山在縣西南五十里高千丈林木蒼秀澗泉清澈絕頂

一望諸山在其下

同上

鉛穴山在縣西南大清在蒙化縣西六十里出鉛錫元和郡縣志

志

按鉛穴山不知所在俟考又舊志列徭山四十八惟葵崗三宿高望小逕梅崗等山在廣寧此外諸山皆

四會舊志誤

破鐵嶺在縣西北三十里高三十餘丈

縣志

花山在縣西北八十里高五百餘丈

赤坑山在花山西二十里路通廣西懷集縣

獅子山在縣南三里高五十丈上有巖稱奇勝

三台山在縣南十里高百餘丈三峯鼎峙

石澗山在縣南三十里高百餘丈周十里泉自竇出東流五

里入綏江旱則聲聞數里

俱同上

龍異山在縣北二里來龍所鍾盤結特異

吳志

銀坑坪山在縣北三十里高五十餘丈

縣志

山徑險僻舊爲賊

巢方輿紀要

峽山在縣北四十里大平都兩山夾峙懷集水從中流出山

勢縣延多竹木縣志

圓嶺山在城北五十里高三百餘丈橫亘十五里廣東輿圖上有

九十九坑皆相似若失道必三日而後出戴通志識云九十九

坑還少一若還得一是名邦後縣令羅彥霄建得一亭于山

下吳志

福星山在縣北圓秀如覆釜城跨其上廣東輿圖

羅源水在縣東一百二十里源出清遠縣大羅山東北羅源

村南流經縣東合石潭坑水又南入四會縣界為龍江清一大

統志

扶溪水在縣東南十里出清遠縣羅山岡西流數十里受梅

尚葵崗諸水又數十里扶畱諸水從縣西北來至縣南注之

又數十里至扶溪巡司入綏江

同上

扶羅水在城西南七十二里其源有二一出坑崗一出橫坑

至白石合流經扶羅口入綏江

縣志

按扶羅水疑卽扶溪水

春水在城東南六十里源出春水山西流三十餘里入綏江

同上

綏江水城西四十里自廣西懷集縣流入縣界受諸溪澗水

東南流入四會

方輿紀要

案綏江水府志縣志皆以爲在城南十餘里

烏龍潭在城西四十里

縣志

案烏龍潭見四會縣

小益口在城西五十里

新招水在縣西南五十里

俱同上

源出高望山東南流數十里

經廢新招縣入綏江

大清一統志

東鄉水在城南十餘里

縣志

有三源一出黃盤山繞城東一出

黃蠟坑繞城南一出破鐵嶺繞城西總歸于東鄉水口合扶

溪水

大清一統志

石澗水在城南三十里發源石澗水東流五里入綏江

縣志

顧水在城北四十里下為顧水峽峻拔可愛

同上

在四會縣北

一百四十里源出清遠縣流至顧水口入綏江上流有美材

巨木商人從水口作巨筏而下貨於南海

輿地紀勝

開平縣餓草

疊書山在城東七里高三十餘丈

廣東輿圖



游魚山在北嶺山麓

大清一統志

山形似魚浮水與隔岸馬山夾

峙中流爲縣治之捍門

縣志

梁金山在縣東二十里相傳道人梁金修煉處

吳志

飛鵝山在縣東三十里

縣志

馬鞍山在縣東四十里古博地界

吳志

今屬鶴山縣

新縣志

雙飛蝴蝶山在縣東南十五里新塘村後左有真武廟右有

佛祖凹

吳志

高二十餘丈

廣東輿圖

馬山在縣東南十五里與游魚山隔岸對峙

大清一統志

紙山一

名址山在城東五十里高百餘丈

廣東輿圖

獅子山在縣東北二十里左有雲虬山右爲五坑逕前有大

神嶺古州岡

吳志

其下沃壤延袤七八十里南接新寧止間一

水北出嶺西僅數十里爲一方險要之衝明成化中僉事陶

魯於山徑中立營開塹數百丈以禦西寇

大清一統志

薛公巖在縣東北二十五里一名寶光巖又名寂感巖上有石室深一丈五尺闊八丈有二泉出於石如乳冬夏不竭相傳昔有薛公修真於此明天順間鄉人避寇得免於難游人題壁甚多

吳志

獨鶴山在縣西三十里相傳有鶴飛鳴峯頂故名南去恩平

縣一百里西去新興縣七十里

縣志

羅漢山在縣西南三十里接新興恩平二縣界上有天池不

竭

大清一統志

百足山在縣南三十里下有二山如龜形面接蜺岡

縣志

金山巖在城西北十里

縣志作東北

一名西巖上有飛瀑如練盤

石可坐數十人邑人九月於此登高

廣東輿圖

獨鶴水在縣東南半里源出縣西獨鶴山東南流爲長靜水又東至縣東南半里與雙橋水合

各志此處名爲合水嘴

又至縣東南

十里爲長潭十三里爲川海十三里爲大灣三十里與大廟水合爲交羅海三十五里與恩平蜆岡水合爲長沙海四十里爲水口與新寧縣分界六十里爲潭江直達新會厓門入海

大清一統志

雙橋水在縣東北四十里源出曹幕山曰水坪流西南與龐村水合又東至縣東門與獨鶴水合

赤水口水在縣東南四十五里源出曹幕山南流厯梁金山

東南至水口入大江

俱同上

黃泥潭在城南七十里

廣東輿圖

清水塘在城東五里

八丫塘在縣西二十五里

俱同上

### 鶴山縣

鶴山在城內其形如鶴因名遂以名縣縣令劉繼構亭於其

嶺顏曰鶴頂

縣志

七星石在城東十六里

縣志

南洞村田中夜吐光芒

縣志

龍頭嶺在城東三十里

縣志

蜿蜒數里形象如龍禱雨輒應

縣志

髻隆山在城東南二十五里

縣志

高三百丈形如髻髻南麓怪

石盤結有仙人跡

縣志

牛門山在城東南三十里有風雷壇又有天池山下有石曰

桃萌洞洞旁有玉台宮

雙鵝山在城南三十五里二山若雙鵝舒翼彼此環顧之狀

金剛山在城東三十里

俱同上

其山土石相間上有汎地戍防

周圍竹木青翠下臨碧潭水清魚美

吳志

旗山在城東北三十里

縣志

山峰疊次相因若大旆

縣志

蟠龍嶺在城東北三十里

縣志

祿洞祠後其上常有雲氣鄉人

祈雨於此

吳志

下有蟠龍吐珠石雨兩排列直出江心十餘丈

又有蟠龍廟中祀東坡遺像後有坡山文閣又有紗帽石

起中流前俯後仰如紗帽然離此數武又有儒巾石

縣志

按蟠龍嶺舊府志名龍盤嶺

高珠岡在城東北數十里聳秀參天

縣志

小珠岡與高珠岡兩峰相峙明施應岳結廬於此植竹爲園

因號竹洲

縣志

龍頭山在城東北五十里蜿蜒如龍

縣志

上有一土孔像如龍

口時值亢旱農民登山以火薰龍口天卽雨屢有奇應

吳志

寶蓋山在城東北六十里由崑山逶迤而來縣延數十里直

聳雲表如幃幃寶蓋上有麻藍仙跡

縣志

大城山在縣東北六十里

縣志

形如城垣爲縣東保障其南爲

將軍山山下飛瀑如簾高十餘丈名飛泉洞

吳志

飛鵝山在城東北六十里

縣志

旁舒兩翼一峰獨秀形如飛鵝

其南有昂首若鳴者有俯首若食者其北有縮首宿者造物

之巧莫巧于此

縣志

仙人石在縣東北六十里高八九尺屹立如人

縣志

蟾蜍石在縣西十里白石了

縣志

形如蟾蜍有日天陰有水流

出如蟾吐津因名

縣志

雲宿山在城西八十里高百仞周一百四十里登高四顧北

望端州東眺佗城南見崖海西睇高涼厯厯在目頂上巨石

壘垣分四門或曰仙子所制棋盤仙跡尙存縣志

謹按 大清一統志有雲粟山在鶴山縣西寰宇記  
云南中風土惟稻無粟此山種粟卽成因名今縣境  
無此山疑卽雲宿山也

橫地石在縣西南二十里縣志橫臥於地絕似人形乾隆十五  
年邑令張甄擊碎之吳志

彩虹嶺在縣西南二十里縣志昔爲羊腸小道建縣後邑令黃  
大鵬倡雙橋都鑿而通之并爲之記縣志

羅漢尖在城西南三十里縣志秀峰特出適當羣山之闕儼然

羅漢列坐縣志

烏臺山在城西南四十里萬山環繞一峰獨秀  
游魚山在城西南七十里林木葱鬱波流潏洄

小娘尖在城西南七十里俱同橫列如三台狀上有石峰森

然挺秀縣志

鴨仔石在城西南八十里縣志兩山夾澗澗平而淺水居石下

石立水上層次排列如羣鳬逐波故名縣志

白石壁在城西南八十里縣志橫立水中當大河之流縣志

曹幕山在城西北十六里接開平高明界脈自崑崙山來高

千餘丈延袤百餘里左右岡壠如張幕然前有獅子岡大石

峻峭鄉民結寨其上大清一統志曹幕山或稱皂幕山以黛色參

天而形如幕也其中向有獐人墾山爲畚其南有石門崦峒

林木蓊翳西南有花果園皂幕寺縣志

馬耳山在城西北二十里縣志與崑崙相接兩峰如竹批雙耳

故名縣志



丫髻山在城西北五十里縣志與皂幕山相接縣志

金鐘山在城南五里平地突起其形如鐘縣志

壁峰山在城南三十里縣志其形如圭左有石龍潭右有石山

縣志

障貝山在縣北五里同上

崑山在城北十里與崙山並峙人合呼為崑崙山大清一統志上

有天井輿地紀勝崙山在城西與崑山相去二里縣志人既合呼為

崑崙山又分為大崑崙小崑崙縣志崙山上有白龍池輿地紀勝為

數縣雄鎮崑山高千仞登其巔則南海順德新會高明新興

開平四面山川厯厯可繪陳白沙詩所謂氣蓋東南萬萬峰

也有白龍池禱雨輒應通志云漢東郭威於此成道嘗植桃

李于池上人得取食其果若懷歸則雲迷不能出山矣吳志

相公山在城北四十里

縣志

山勢挺拔特尊四面圓峰環列

縣志

飛鳳山在城北四十里形如飛鳥

縣志

中有石竅湧甘泉出雖

大旱不竭

縣志

石螺岡在城北五十里

縣志

山頂常有沙螺土人呼螺嶺

縣志

朝仙岡在城北五十里

縣志

圍約五里許四山拱向儼若眾仙

朝闕上有石印仙人跡跡水長盈秋冬不竭

縣志

鸕鷀石在城北六十里

縣志

浮沉蘇海之濱乘潮盪漾如鸕鷀

捕魚狀

縣志

龜山在城北六十里

縣志

上有寺宇曲折幽邃林木陰翳

縣志

石巖頭山在城北六十里

縣志

高一丈五尺闊八尺可容十餘

人如遇西潦船艇環泊巖際

縣志

石瀑岡在城北六十里

縣志

危石飲江奔濤留岸其東澄江如

練一瀉千里蘇軾謫詹耳過此畱止旬日居人築亭以記其  
勝有釣石在亭下縣志

案蟠龍吐珠石及石瀑岡山脈相連因東坡遊此故

### 名坡山

石牛在坡山平田突起雙石土人呼爲石牛同上

圓岡在城北六十里縣冊高僅十似北風不到林木蒼蔚冬暖

夏涼行人憩息於此其石如伏虎奔豚仰孟覆釜土石相參

可植花卉山足有廟鄉人李慈萬建縣志

大雁山在城北七十里縣冊形如飛雁延袤兩邑西卽鶴山東

爲新會與西樵圭峰並峙上有清潭潭水清冽又有飛瀑數

處其山宜茶北五里曰三重頂上有泉秋冬不竭縣志

阿公印在霄鄉平原中高僅三四尺較低於村每遇潦漲村

地已淹而此阜不沒

同上

按阿公印通志府志皆不載而縣志不志里數但云在霄鄉霄鄉村屬藥逕司則此阜在城之東北矣

三寶坑在崑崙山右相傳有珠光三炬山人往往見之故名

今多產礪石

吳志

石門距城二十里內有鑼鼓潭兩石夾關狀若洞門爲縣南

第一鎖鑰

同上

香泉嶺在大城山怪石嵯峨石穴中有泉潏然流瀑而下掬之味香而冽故名

縣志

君子岡在四合村南三里端凝聳秀

吳志

附城都小河一自崑崙發源匯於樂利抵禾谷坪與黑坑五坳型河合流至石門上會雲鄉諸水出址山至凌村前水口

達大江一自平逕通龍坑蘿喬坑發源至柳冲渡渡前與開平牛欄坑水合流過榕樹下出開平水口入大江

鑼鼓潭在城南二十里附城都諸水皆從此出兩山夾立下有石門清冽潑洄每遇風雨霽晴預期響聲儼如鐘鼓

新化都小河一自小官田鐵岡發源會於合洞前達大江一自南洞高圳發源過李村萊巢大凹與平地嶺漢塘榜塘河合流過新會潮透村入大江

古勞河卽蘇海中與南海分界發源廣西合眾流以入羚羊甫出峽豁然奔放一瀉數百里直達厓門古勞坡山當上流之衝夏秋時見西北最遠處有大雷電卽知某日潦漲其至也頃刻盈丈勢若黃河官斯土者督巡圍基不遑暇食或有潰決則內地之蠶桑稻禾塘魚屋宇傷殘無算傍有石螺山

昔東坡過此因建亭曰坡亭村曰坡山後邑令黃大鵬勒蘇海二字於石故又曰蘇海

古勞小河一發源粉洞一發源狗頭岡一發源崑山一發鹿洞會於橋頭獨岡過大基頭與樓冲河合流小口入大江潛水發源霞洞百折而匯於潛珍村前有珠亮潭深可丈許昔人云雷雨將作恒有奇光隱見水口山曰圓珠所由名也山下通潮汐潛水合流至此過潮旋轉乾隆十九年建閘以畜之

雙橋都小河發源羅漢尖雲益村布磊村至靖村合流過塘馬抵老虎尾與四合西園豐樂二小河會出開平入大江懷新泉在城內西北邑令黃大鵬迂而折之砌成荷葉形引入泮池其泉味甘而不竭

星房月二  
倉前井鶴邑初建泉味多瀦飲之輒枯津液迨後人物蕃庶  
土膏日沃漸趨於甘城中之水以倉前井爲上  
官福泉在小官田員山下大路旁其味甘甜暑月飲之不生  
災病人或有病取煎藥卽愈前有濯足穢污者其泉則涸後  
里人禱之復流不絕

七甕潭在龍眼村黃沙窩坑底有水潭大小七處形似甕口  
晴久內響如銅鼓則雨雨久響卽晴靈驗不爽

古寒泉在凌村山後寬不滿三尺深莫知所止澄清香美冬  
夏長盈陳經綸未仕時常與高人咏吟其間後借爲號

古勞井在古勞村心坊原名范家井蘇木紅花取用其水鮮  
艷異常環井居者染布爲業

石龍井在蓮塘村邑令黃大鵬曾駐輿於此爲之名

水源泉在越塘大朗里昔馮遲初至欲卜居於此以地礱鹵不堪因禱曰此地若可居當出甘泉越日果有甘泉湧出於是甃石成井而居焉

大井頭在坡山村心坊清而不冽隆冬井涸此獨湧流取以纈繭其色晶瑩廣東新語稱坡山絲以此水也

銅鼓井在霄鄉村闊七尺深八尺周年不絕不圈不砌旁石版有汲水痕又一井闊三尺深丈餘相去數十丈亦不圈不砌此井汲水聲響彼輒響應亦一奇也

龜齡井在龜山下石竅出泉冽而甘前明縣令丁積嘗憩山寺勸諭里民鄉人感德因嗜此泉遂易名留澤泉

石井在甫草塘山陂頑石甃之深五六尺淵澄無滓香冽異常爲各名勝之水所不及



大魚池在黃洞村前池可十數畝畜魚二首其大如門長老相傳畜自順治初年每晴久翻浪必雨雨久騰躍必晴童子或浣浴撫摩其尾並不驚躍俱同上

德慶州

茗山在城東十五里產茶吳志

西源山在城東六十里高六百丈周三十里跨西源富豪二

里之地上有八峰通俗呼為八仙腦上有東州鎮一峰高

出雲表頂有池四時不竭其下有溪分為二派東派出西源

西派出富豪合流出於江即思夫水也州志

樵雲山在城東七十里高二百餘丈周三十餘里形勢盤鬱

下有瓊響泉昔州人李質築室讀書於山之陽額曰樵雲因

以名山舊吳志

三洲巖在城東七十里一名玉乳巖宋李綱書玉乳巖三大

字有石室懸乳皆蒼綠色自成觀音像石鐘地鼓擊之有聲

巖內空洞可容數千人高十餘丈昔洞門在北爲石所壓南

有小門梯嶺而入更覺深邃近別開一門從西入洞由洞至

巔古今題咏甚多

州志

舊圖經云卽西江之三島也

輿地紀勝

宋祖無擇銘康州之東七十里有山焉高不百仞下有石室  
隆然洞然峰巒靚深可容數千人兩旁有隙穴俯俛以入而  
復高明大者如堂小者如房若窗若戶妙達曲密上棟下宇  
得大壯之象吾不知鑄結之始有意而爲之其偶然耶何怪  
奇詭異之如是按郡牒云三洲洞卽此也因爲之銘曰維石  
巖巖維室眺眺陰闔陽闔天覆地面我行其間冬溫夏寒有  
廂有廡有樞有樞有高如閑有巖如鍵設爵有坳鳴琴有薦  
我官幸鄒一歲三至清泉我有自雲我侍其來忘疲其樂忘  
饑亦旣去止寤寐思之凡物旣久因人不朽名伯甘棠羊公  
峴首彼賢與仁我豈其倫寶希高風於千萬春至堅者石有  
時而泐故告後  
來再鑿再刻

元戴貞甫詩幾泛仙舟訪洞關弱流原不隔塵寰書臺露冷  
人何在丹竈烟消鶴自還洞口碧桃春爛漫崖邊瑞草日斑  
斑  
卷二 輿地 山川  
下

關我來檢點平生事

頓覺壺天日月閒

明陳獻章詩我行蒼梧野息漿荒江溯連江一以眺石室涵

晚暉前哲有題字秉燭往讀之徘徊北壁下目擊元公遺今

古一相成光風吹我衣蟲鳴丹竈中葛仙胡不歸對之發長

嘯宇宙今何時員蟾夜問問蝙蝠秋飛飛願言托高棲行矣

無是非邱濬詩羣山勢龍從一穴空豁爾滴乳成物象峭

壁繡鮮花土鼓有函音丹竈無遺砂誰云蓬萊洲此名殊不

佳我來恣清賞疑是古仙家惜哉奇絕景落此窮海涯草寫

不能盡歸去鳳池誇區大相詩聞說巖林勝西浮錦水春

雲歸瑤徑失雨洗石苗新折桂期山客翠蘿躡羽人居然成

獨往何用記來津洞啟烟扉濕林懸霧磴斜藏書空有穴

對竈久無砂扣石聞天樂寒衣動

潤霞一從靈景秘春事長瑤華

高良山在城東七十里高百餘丈周五十里山下田高土肥

上產鍊力木

吳志

香爐山在城東一百里其形如爐

瑞洞巖在城東一百里有洞隆然廣數十武中有石牀石舟

等物深邃里許

青雲岡在城東北三里其上常有青雲氣高百五十丈周二

十餘里亦名臥人岡

俱同上

藿山在城東北五里高百餘丈周三十餘里峰巒鬱秀

同上有

藿香草

方輿勝覽

楂山在城東北五里形聳而秀昔產楂梨

戴通志

都計山在城東北五十里高五十餘丈相傳昔有仙人騎鹿

遺跡

州志

文筆山在城東北八十里高二百餘丈周五十餘里其峰挺

出霄漢狀如筆山頂有池清涼可掬秋冬不涸中多異花香

草怪石奇鳥又名象牙山

吳志

寶嶺在城東北八十里高二百餘丈周三十里兩山壁立中

通一徑如竇

勞山在城東北八十五里高百餘丈周三十里形勢峻拔登者難之故名俱同上

焦石山在城東北一百三十里高三百餘丈周五十餘里相

傳葛仙煉丹其上又名社山州志有葛仙園今在東安縣界縣志

異物志云悅城縣北百餘里有山出焦石每歲人採之琢爲

燒器寰宇記

雙鶴山在城東北一百三十里高六百餘丈周八十里高要

入州北鄉必經之路嶇崎險峻行者有跋涉之苦上下嶺須

防虎及盜吳志

岐嶺舊通志作峻嶺在城西五里高百餘丈

杉嶺在城西十五里高百餘丈路通蒼梧產杉木

峽山在城西二十里高百餘丈南北岸對峙甚隘江水中流

春夏水迅急舟行甚險

俱同上

錦石山在城西五十里高百餘丈上有石柱直插霄漢

廣輿記

端溪有錦石陸賈使南越時設錦帳於此又名濯錦山

輿地紀勝

陸賈使南越尉佗與之泛舟至此賈默禱若佗肯稱臣當以

錦裹石謝山靈使還遂募人植花卉代錦後人立祠祀之

洪邁

志

端溪縣有三鼎石今名三奠石

寰宇記

錦山俗呼為錦裹

石又呼為和尚石

吳志

蔡山在城西北四十里高百餘丈周三百里又名禮嶺產蔡

竹

同上

按州治北通懷集縣志云周三百里蓋一山跨兩境

耳

障嶺在城西北七十里其形如障

大清一統志

香山在城北稍西二里高一百餘丈周四十里廣東一名利

人山產五色石石上生香草勝覽其嶺有佛足跡長尺許旁

刻宋諸賢姓名山下有漱玉泉漱玉橋唐宋時有乾明寺浮

香寺豁然亭環翠菴覽秀樓松關亭俱廢乾明尙存今更名

香山寺吳志

登高岡在香山稍東卽侍郎岡州人九日於此登高同上下建

有青雲書院澄海廟無著菴州志

端山在城北二十里高三百餘丈周三十餘里其形端正吳志

佛子嶺在城北三十里山勢嵯峨路通封川界旁有舊佛堂

因名同上

大廣山在州北六十里高五百餘丈周七里有瀑布泉飛

流如練大清一統志其形廣大故名山半有龍浮寺紫竹菴金蓮

菴俱廢唐惠能欲駐錫於此不果常有霧海亦奇觀也志

丫髻山在大廣山右形如丫髻高三百餘丈吳志

雲眉山在大廣山左山頂石上有巨人跡馬跡中有石室其  
幽

雲嶺山高數百餘丈爲大廣諸山之祖常有停雲故名

大霧山在城北四十里高四百餘丈頂上時有霧蓋因名有  
大霧腦小霧腦中分兩腋禱雨輒應

靛湖山在城北一百里山頂石上有巨人跡稍東爲金釵山  
俱高五百餘丈俱同上

定林山下有石方正似牀其旁生韶子堪食又有金林山一  
名思黃金山寰宇記

思耆山在端溪縣輿地紀勝



平定山在端溪上同

按定林以下諸山俱不知所在思黃金山岑斑事見  
雜錄思耆山寰宇記作思嗜山平定山疑卽定林山  
也

獅子石在錦石山背高百餘丈狀似獅子故名新州志

雞冠石山在三洲巖稍東狀如雞冠兀立江濱近因鄉民漁  
利鑿石燒灰經署州章子之出示禁止州志

筆架山在州城對河五里三峰挺出

七把連山在城東二十五里高百餘丈石壁沿江昔人刻有  
江上清風四大字甚勁俱同上

端溪水在州東十里源出州東北七十里之龍潭流經端溪  
山下又西南流八西江方輿紀勝端溪縣有端水隋書地理志

麻墟水一名馬墟水在州東二十里源出封川縣東流經金

釵山又東南入江蓋端溪之別源也

大清一統志

書堂水在城東四十里源出猺山南流二十里入于大江乃

宋進士石處道讀書處水濱舊有書室故名

吳志

夫號水在州東五十里出西源山其東十里爲思夫水亦出

西源山並流入江

方輿紀要

相傳昔有人行役歲久不歸其妻思

之哭而死夫歸未及家十里聞其妻哭死亦號泣而絕鄉人

呼其村爲思夫號云

州志

靈陵水在城東一百里一名溫水卽悅城水口源出車牛界

山流百餘里入于大江水口有龍母廟

廣東輿圖

悅城縣有程溪

水

元和郡縣志

程溪一名靈溪

唐書地理志

按靈溪寰宇記輿地紀勝皆作零溪而輿地紀勝別

有靈溪云在端溪縣未知孰是吳志云舊志謂出廣

寧縣志謂出四會縣

龍潭在州東北七十里都合村遇旱禱之有應

州志

晉康水在城東南十五里卽羅定之南江口

吳志

榕塘水在城西三十里源出封川縣南流四十里入於江

州志

陸溪水在城西四十里源出佛子嶺東流三十里南入大江

水口舊有陸賈廟故名

吳志

武賴水在城西七十里出封川縣南流三十里入於江

州志

大江在縣南五十步卽西江也一名錦水其源左出廣源右

出戛利二水合流經南潯與柳水合至蒼梧與灘水合至封

川與賀水合行一百六十里至城南爲錦水出於羚羊南入

于海

吳志

舊志有鼎石之神在江中隨波出沒考鼎石在羅旁

口此地已析入羅定又名浮沉石又名羅經石又名錦被石

臨波出入之言則出之傳聞也

廣東與國

漱玉泉出自香山飛流如玉達於城濠州民竊以灌田而北

濠多涸知州楊士中嚴禁之而泉復故

州志

瓊響泉在城東八十里樵雲山下飛流數十丈聲如鳴珂

白石泉在州西龍母廟右

小冷泉在七把連石罅流出清甘可愛夏月爲西潦淹沒

俱同上

雙清井在州治東西庭中水清冽故名嘉靖丁酉知州陸舜

臣建二亭覆之扁東曰東清亭西曰西清亭今止存東庭一

井亭俱廢

吳志

元妙井在州治東百七十步卽城隍廟前井

澄清井在州泊西一百餘步

街口井在城內十字街一方汲之冬月不竭

開元寺四井在永寧坊寺地四角今寺廢爲民居井猶存

仁壽井在仁壽坊通津巷

譚公井在城東濠畔夾以兩池其水視池水常高冬月不竭

石獅井在一都石獅村深不過二尺四時常滿

夫子井在州西五十里都城鄉廣二尺深丈餘常溢出病者

飲之多愈井在李熙墓前稱李爲夫子故名俱同上

封川縣

東山在縣東一里其形如屏障一名掛榜山其對峙者曰沙

帽嶺東四里有先峰嶺高城諸山方輿紀要舊於山下建三學舍

輿地紀勝

先峰嶺在縣東四里高拔諸峰

吳志

按縣志云在縣南八里方輿紀要所載高城山府縣

志皆失載

仙鳳山在縣東十里

大清一統志

仙人山在縣東二十里

同上

靈鼠石在縣東二十里相傳仙鼠所依鄉人祀之歲不害稼

吳志靈鼠化為石在封川縣東二十里

輿地紀勝

圓珠山在縣東三十里

大清一統志

鳳凰山在縣東四十里產鶴膝竹

吳志

濯錦山在縣正東五十里

同上

青霧山在縣東九十里

大清一統志

天馬山在縣東南三里一名白沙嶺沙白雪與紗帽先鋒

綠衣山相連本邑吳方建太乙文昌塔今廢吳志高八十餘丈

拱抱縣泊西江匯其下廣東輿圖

綠衣嶺在縣東南五里稍北為羅容山吳志

封門山在縣東北二十里峰巒秀蔚兩崖如門同上

按封山為人縣之首山邑之門戶也故名封門廣東

輿圖云靈鼠石在其下

相思山在縣東北二十里大清一統志羣峰相屬下有相思大道

長六七里兩山夾峙一水中流方輿紀要

存塘逕在縣東北四十里長二十餘里林木陰翳寒氣襲人

吳志

嵐岡山在縣東北四十里一名斑石山大清一統志其石五色有

風穴類宛云風出蒼梧者草多芳蘭寰宇記

豐壽山在縣東北五十里高一百三十餘丈周五十里上有

龍窩佛殿石池泉湧其中自北馬以東此山爲大吳志一名霹

靄山相傳山有巨雷震其一因名藏通志山多雷電土人呼爲

霹靄山寰宇記明嘉靖三十一年山崩大清一統志

甲子山在縣東北七十里與麒麟山相連有烏添逕同上

欖逕在縣東北七十里喬木森森內多沐猴一呼聚者數百

吳志

雞籠山在縣西三十里其脈廣遠左連廣西右襟西寧同上

按廣東輿圖云山在城西南高百餘丈

西山卽錦錢山在城西南十里隔江廣東輿圖高五十餘丈周五

里餘旁有石丈餘上有巨人跡遇旱以水洗之卽雨黃通志

大圍山在縣西北一里西廂光孝寺後宋儒學舊址在山麓



吳志

會龍山在縣南二里層峰疊秀縣南案山也

聖石在縣南十五里修泰鄉吉羨村青山上  
 有仙跡遇旱以竹引水澆之即雨永樂九年縣丞區必森立祠山下以表之  
 大嶺山高千仞下有馬嘴路乃修泰兩國人來縣經由總道  
 登高山在縣北二百步高三十餘丈有景星寺花藥園宋皇  
 祐間知州曹觀構望雲臺嘉熙間知州黃克寬構亭於此俱同  
 上一名北山邑人九日於此登高大清一統志  
 牛頭嶺在縣北三里與登高山並峙中有峽吳志  
 白石岡在縣北六里形如蓮花上多白石故名  
 劉王岡在縣北九里有劉謙劉隱墓故名  
 續嶺在縣北二十里文德鄉縣亘七十里嵌崖競麗雜嶺爭

奇積翠含烟葱蒨入畫

三了逕在縣北二十里樂村同上

猿嶺輿地紀勝在縣北三十里高三十餘丈周四十餘里壑

有飛泉吳志平岡漫坡或起或伏上多林木猿狖所居有猿嶺

逕輿地紀勝

萬家石在城北五十里周仁里輿地紀勝周迴五里黃通志

鑼鼓岡在縣北七十里文德鄉形如龜背周四十里相傳夜

有鑼鼓之聲今設巡檢司鑼鼓營于此吳志

龍石山在縣北七十里少西即鑼鼓岡大清一統志山出石膏寰宇記

記

麒麟山在縣北八十里高三百丈周一百五十里吳志以居人

莫麒麟姓名名之寰宇記八表侵雲視諸山最高輿地紀勝下有唐

狀元莫宣卿祠今廢廣東興圖

雲巖在縣北九十里中可容三百人石牀磴道殆若天造泉

白石出混混不竭稍南為荔支巖中有泉穿巖而出白沙晶

瑩如冰雪然大清一統志旁有雲巖寺吳志

白馬山在縣北一百里與麒麟山對峙周五十里石坡甚長

飛泉如練明正德中獐巢其上參議周用等討平之改名白

鶴山相近有老鴉逕深山大箐天日罕見方輿紀要

雷連山在縣北一百三十里山跨德慶四會懷集重巒疊翠

曲澗長林宛然仙境吳志

三峰山在城北偏西一百三百里高百餘丈廣東興圖鼎立標空

上多怪石吳志

螺髻巖在文德鄉石門狹暗乃漸開敞可容數百人石乳凝

結懸巖萬狀同上

古門山在縣西十三里元和郡縣志

白涯山在文德鄉輿地紀勝

姚公石在縣北舊圖經云昔有人姓姚居此同上

按古門山以下三山不知所在

蟠龍山在坊場鄉東山側有古井名蟠龍因名輿地紀勝

月臺山在坊場鄉同上

荔支巖在縣北九十里文德鄉一水中流有潭深沉莫測暗

逕紆迴必秉炬而後可入吳志

紗帽山在縣東一里與東山對峙

南龍岡今設南龍營於此俱同上

蛾眉山在縣西隔江縣志

龍逢灘在縣東一百里水中有米升石水乾石見則年豐志  
蟠龍水在縣東南十里源出蒼梧縣畱竹山經龍蟠之峽其  
流宛轉亦如蟠龍宏治七年鄉民圍其下流爲塘同上

按蒼梧在縣之西東南當是西南之誤

廣信河在縣東北一百里源出老鴉逕西流入扶靈水廣東輿圖

西江在縣西一百三十步縣志封川據邕桂賀三江之口輿地

紀卽鬱水也自廣西蒼梧縣流入經縣西靈洲合賀江環城

西十里稍南復折而東入德慶州大清一統志水有潮汐春夏潦

漲湍急不見秋冬每日早暮潮高三尺次則一二尺葉志

賀江在縣西十里一名封溪源出廣西富川縣姚武巖南流

合賀縣水東流合橘江古令金縷東安扶靈諸水至靈洲入

于西江劉隱之誅亂民蘇章之敗楚兵潘宗徹之屯賀江皆

此水也

吳志

封溪水一名開江亦名賀江

大清一統志

封溪水自封陽縣西南

流入廣信縣入鬱水謂之封溪水口

水經注

豐溪一名穀墟水在縣南十里源出豐壽山經德寧坊塲二

鄉合衆流入於西江

吳志

靈洲在縣北十里賀江口廣一里長五里上多蘆葦鳥鷺所

棲西潦泛漲其洲不沒古傳與水浮沉因以靈名

黃通志

洲上

坦平江流四合

輿地紀勝

宋知州田開詩海上荔枝庄卽此

吳志

東安江在城北二十里自蒼梧縣流入俗名小江東流至大

洲口入賀江

大清一統志

扶靈水在城北一百里出風水蕭合留連水至臨口村入賀

江

吳志

孔生水在縣北百二十里宋季有孔姓三家作宦子孫世居

於此因名外有孔旁水口流入賀江

靈潭在孔生水西相傳有龍居焉旱禱輒應

俱同上

顓山水在縣東百里匯東北諸水入谷墟水

方輿紀要

案封川無顓山此水不知所在

蟠龍井在東山下一統志謂有龍潛其下古儒學在此

吳志

景星井在登高山下宋時鑿

育賢井在舊儒學西

泮林井在舊學東四時不竭

樊公井在城南門內正德八年知縣樊立鑿萬厯十年知縣

周日暹砌以磚石

俱同上

開建縣

似龍山在縣東十五里高一百二十丈周四十餘里其形蟠

蜒如龍

吳志

山下昔有醴泉今無

廣輿圖

昭埭山在縣東二十里路通廣西懷集有泉石旁有三穴可

容數十人

方輿紀要

案元和郡縣志鼠石在縣東北二十四里旁有三穴  
可容人居止其石上時多石斛石高五十丈周迴五  
里寰宇記靈鼠石在縣東二十里皆屬開建不云在  
昭埭山也考鼠石今在封川縣東北二十里之封門  
山下蓋唐宋時屬開建不知何時割隸封川方輿紀  
要未得其實

野埭山水石巖俱在縣東二十五里峰巒森立中有巖穴暗  
者秉炬而入曲折奇怪不可殫述穴中有流水莫知其源

吳志



相傳潛通懷集縣燕巖灌田千餘頃

大清一統志

大水山在縣東三十里下有澗其源深廣

戴通志

羊梯山在縣東三十里有石磴若梯

吳志

有猺居之廣東輿圖

黎水山在縣東南二十里高二十餘丈周三十里兩山對峙

水從中流

方輿紀要

狼嶺在縣東南二十里周七十里形勢險惡上多豺狼有徑

通封川

吳志

萬石嶺在縣東北六十里錦衣鄉三都

縣志

石室在縣東北六十里萬山中有石如巢房者七高丈餘又

有如庭軒者三高數丈光朗閒寂

吳志

大玉山在縣西三十五里高三十餘丈周三十餘里清碧如

玉

小玉山在大玉山旁高十餘丈周十五里

圓珠山在縣西北五十里高一百五十丈周二十餘里其形如珠縣內各山惟圓珠忠讜二山爲眾山之望

雁山在縣北五里形勢頗平有如雁行爲縣後山俱同有水

南流五里入水母塘大清一統志

潭霜山在縣北三十里錦衣鄉潭霜水自懷集縣經流其側

吳志

水瀉山在縣北四十里錦衣鄉三都

黃沙嶺在縣北五十里

楠木逕白蓮洞山俱在錦衣鄉四都

古令山在縣北五十里錦衣鄉古令村巡司駐此俱同原設

巡司駐此今裁

新縣志

忠讜山在縣北六十里高二百餘丈周八十里縣志上有白鷺池廣圓十里四時不竭大清一統志舊經云古人居此多讜直之

言因名

輿地紀勝

按寰宇記定黨山在縣北七十里疑卽此山也

金山在縣東六十里三都

縣志

龍門山在忠讜山之旁岸石如門下有石鯉跳躍之狀游人多有留題者

校椅山在縣東北八十里其象如椅故名

石鼓山在校椅山之旁中有石如鼓叩之鏗然

象元山在縣東五十餘里四都

涌流山在圓珠山旁亦產金沙經奉試採旋即封禁設涌流汛嶺田汛駐兵及練勇守之

七星山在縣東十里一都形如北斗七星聯綴俱同上

石壁山在縣北六十里吳志

似龍水在縣東十里源出似龍山西流合金縷水同上

金縷水在縣東十五里縣志即龍吟水也以經金縷水得名吳志

源出野埔山大清志龍吟水在金縷村莫狀元讀書堂山間

水清聲響人呼為龍吟輿地紀勝

昭埔水在城東二十里出昭埔山西流合金縷水吳志

黎水在縣東南二十里源出黎水山西流十餘里入開江同上

狼嶺水在縣東南二十里縣志一名交水又名蛟水源出狼嶺

西南至白龍岡與黎水合大清志

金塘水在縣東北三十里源出金塘村諸山西南流入潭霜

水吳志

金裝水在縣東三十里源出金雞埆經大水山西流合潭霜

水入開江

同上

羊梯水在縣東北三十里源出羊梯山北流六里入金裝水

大清一統志

忠讜水在城東北五十里源出忠讜山南流入金裝水

廣東輿圖

盧村水在縣東北七十里源出縣東北諸山西流入潭霜水

葉志

開江在縣西五十步源出廣西富川縣南流經賀縣又二百

里入開建合潭霜蓮塘金裝金縷諸水流三百里入封川江

上卽賀江

廣東輿圖

封溪水一名開江南經封川縣西入西江

大清一統志

賀江亦名臨賀水

阮通志

白鶴洲在縣西十五里常有白鶴集其上漁舟聚於渚中月

夕風晨歌聲不絕

吳志

小玉水在縣西二十里源出小玉山南流二十餘里入開江

大玉水在縣西三十里源出大玉山南流三十里入開江

俱同上

蓮塘水在縣西北五十里源出圓珠山東南流四十里入封

溪

大清一統志

龍灣在縣南舊傳龍灣深萬丈水中有土墩起則邑之人材

出焉

吳志

水母塘在縣北五里廣十畝有奇源出雁山南流五里入塘

又自塘鑿渠以灌城濠

同上

潭霜水一名開建水又名龍潭水在開建縣北二十八里自

懷集縣西南流入縣界經萬石嶺又三十里經潭霜山下又

西入封溪大清一統志

按寰宇記波羅水在縣北二十八里出廣州泮水縣南流入縣界泮水縣在宋開寶五年併入懷集潭霜水發源懷集縣之廢泮水縣可知波羅水即潭霜水矣

狀元井在錦衣鄉三都其水清甘世傳莫狀元宣卿所鑿醴泉在開江鄉一都似龍山下烏石之後俗名酒井吳志

猺山

肇慶府高要縣猺山九日林田曰大田曰陸湖曰抱頂曰石

四會縣猺山五十有八自北至清遠縣界猺山一十五曰深

日蒙坑曰青崗曰三連曰小連曰銀坑曰大迳曰石羊曰白

日三宿曰清水曰桂木曰茶寮曰高望曰水源曰源坑曰大

朝日白花曰黃牛嶺曰大貝自東至舊石康縣界猺山三十

一日蘆荻坑日那禾日平坡日水袁日木麻日張公日白沙  
日樾蒲日新莊日到勾日橫塘日雲巢日木頭日統平日旱  
日李村日六才日六難日賈村日西林口蘇村日樾粥日楓木  
夾口日新興縣獐山五十有四八日西路連德慶州界二十有

新興縣獐山五十有四

木村日

日雲無日歐崗日思雲日胡蘆日錢場日上園日錢場山日石碧  
場中園日錢崗日錢場下園日黃三坑日小園日錢場山日石碧  
洞日沙木塘日石人背日倒掛日降底日長烏岡日冷日龍骨日三  
慶州界日七山下洞岐日橫茶橋日長烏岡日冷日龍骨日三  
岐日烏蛇日竹運路自北至橫茶橋日長烏岡日冷日龍骨日三  
瀝日白石巒掛自東至倉步水界日獐山四日大胡日大帝日  
窩頭日曹簡自東南至獨鶴界日獐山四日大胡日大帝日  
賢嶺日曹簡自東南至獨鶴界日獐山四日大胡日大帝日  
山日筆架日侶洞日雲敏日雲魁日自南至陽春縣界日  
一陽春縣獐山九十有四日西北連瀧水界日獐山九日通  
下禮陽春縣獐山九十有四日西北連瀧水界日獐山九日通  
根日木槎嶺日雲廉雞六崗日十二雞頭嶺日參崗日那性  
自西連瀧水賀山界日雙散日漆水日大田日瓦寨日那刁日雙  
日林列日北合日車田日漆水日大田日瓦寨日那刁日雙  
吉崗日高嶺日都面日雙散日漆水日大田日瓦寨日那刁日雙  
河日麻僕日南埔日橫嶺日百踏坑日雙牌嶺日礮砂日大



水日寧水日蒙村日廟廟日錢崗日石川日那陳日國桶日合

黃沙日東戈日岐頭日雙牌日上攬日下攬日下雙山日古

牛山四十二崗日中寮日那畧日弔澗日高田日大龐崗自

西南達電自縣界鴉山二十三日陳村日石陂日鰲頭運日

岡嘴崗日那象日角塘尾日大朗日三村日茶場西岸日上

雙蠻婆崗日卜水日雲洞大澁日那寧日早田寨脚日石忠日青

湖黎坑日謝肥日塘運日許容丹崗日翼崗日馬街日合溝

榕木日陽江縣獠山十有三日秀石日合門日那湖日香墟

黃慶日蘇崗日南坑日三恩平縣獠山七日君予日大人日茶山

龍日杏崗日濕運日恩平縣獠山七日君予日大人日茶山

天路日德慶州獠山四十有九日大雅日師姑日白沙日改

鳳凰日金斗日西演日青容日雲浪日和平日薄竹日天日

井桶日金斗日西演日青容日雲浪日和平日薄竹日天日

日大柱日樸馬日周桶日大降日脚日埔日飯匙日斗子日龍

教日大塘日蘭金日高嶺日石脚日葵嶺日茶嶺日石羊日樸

藍日大塘日蘭金日高嶺日石脚日葵嶺日茶嶺日石羊日樸

日大水日界頭日蔡嶺日清車水車牛日

金坑日蘆荻日高山日小崗日鞭帷日樸翁

封川縣獠山二日歸仁開建縣獠山三十有五桶日似龍日拾

小玉日大王日歸源日蓮塘日回珠日九源日園塘日

梅塘日黎水日大王日黃坭日黃坭日大王日勤塘日廟水日

廟塘曰人步曰觀冲曰私木曰野埔曰大水曰箕水曰羊梯  
曰聖埔曰諱白蓮曰象源曰羅山曰羅西曰鳥祿曰南令曰  
大埔曰金以上郝通志  
石曰同塘

按郝通志四會縣徭自北至清遠縣界至大貝乃廣  
寧之徭山自東至舊石康縣界至木村乃四會之徭  
山不知何故渾而爲一豈編纂之訛耶又府志徭山  
數日地名與郝通志不同且有郝通志有而府志無  
者有府志有而郝通志無者蓋康熙至乾隆朝有絕  
逃之戶裁并之地所以多寡不同地名互易也今將  
府志所有郝通志所無者備錄於後以資參考  
又按廣州府新會縣徭山一曰皂幕山今在鶴山縣  
界中

### 高要縣徭山

金盤 官板 三馬 東坑崙 雲志 陽路

新興縣

田頭村 共五十戶

黃麋田私鹽坑澁角 共五戶

白水表石狗

鋪樟田 共九戶

天井坑校椅坪第六坪 今荒廢

爛澁表楊梅

坪 今荒廢

窩田村 五十戶

山表村 三十戶

梅源洞村 二十戶

大塘面 三十戶

肥水坑在象窩山 十二戶

竹仔荒 五戶 山河

洞界內銅盤村 二十戶

烏蠻村 九戶

蓮塘村 六戶

黎洞村 三十戶

以上仁豐寧化二都俱屬徭目蕭震嫡裔管轄

金嶺村 四戶

石脚坑 八戶

楊家宅村 十六戶

平河村 八十戶

大平村 九戶

以上係寧化都屬徭目梁潤嫡裔管轄

石陂村戶六

柑栗村戶五

嶺脚村戶十一

小垌村戶八

雲王

村戶二十

竹坑村戶七

北鶴村戶十一

巖頭村戶十四

以上延壽都屬徭目陳天元嫡裔管轄

上山村戶十

高山村今荒廢

沙洞村戶七

大山脚村戶四

帶

坪村戶七

湓塘村戶八

長村戶十二

雲林村戶十五

高塆村

十五戶

雲簡村戶十五

雲山村戶七

良塘村戶四

維河村戶四

黃歌塘戶十

廟嘴村戶四

小洞村戶五

以上延壽都屬徭目陳千嫡裔管轄

高明縣

皂幕

老香山

舊志邑志云有徭人居此

德慶州

循水

通志作簿

風門

攬山

鹿塘

甘塘

藍青

丹竹

逢要手忌

卷二

輿地

徭山

三

楂埔 太平雙埔 以上俱番康鄉

封川縣

榕村 長崗 茅佃 都廊 蒲崗 待村 陸眼羅慕村

思役 黃嶺 滑泥 大廟 逕口 洞源 水尾 南

竹 花根 麒麟 蒙塘 楓尾 玉崗 大貨 小江水

臺崗 勒竹 牛岡 羅爛 石片 楓良 大蒲 黃

岡 野株 笋果 鄧啞 三崗 稍崗 平崗 茶嶺

筋竹埔花 白沙 圓岡 羅林 聶樹 佛仔 向村

下閃 米步 三峰 下埠 青水 板塘 下湖

開建縣

鶴塘 以上在一都 觀埔 金口 以上在四都

恩平縣 君子山 山甲盤 一通徭總 莫朝圭 大人山 山甲方宗

貴猺總莫朝圭茶山山甲黃龍清猺總莫朝圭白鶴山山甲  
雍靜山猺總謝文恭天路山山甲盤觀山猺總吳明連鳳凰  
山山甲唐仙良車田山山甲唐仙猺總架汝安

天下郡國  
利病書

封川縣猺石硯山盤古地種類歸仁鄉獐人陳公集種類

同上

蕭震新興仁豐都人明洪武間廣西浪賊流劫鄉村震帶眾  
猺征勦有功世襲土巡檢管轄仁豐寧化二都諸猺 國朝  
順治四年蕭鳴岐投誠歸順順治八年行查各路猺丁猺官  
冊籍准復原職

新興縣志

梁閣新興縣寧化都人洪武間廣西浪賊流劫鄉村閭集眾  
猺擒斬有功賜襲土典史管轄寧化都諸猺順治四年梁彩  
華投誠歸順順治八年行查各路猺丁猺官冊籍准復原職  
世襲

陳天元新興縣延壽都人其父陳志剛明洪武十二年率獠  
目進貢賜襲土典史管轄延壽都諸獠順治四年陳榮衢投  
誠歸順順治八年行查各路獠丁獠官冊籍准復原職世襲  
陳千新興縣延壽都人其父陳志剛明洪武十二年率獠目  
進貢賜襲土典史管轄延壽都諸獠志剛故後其子陳千陳  
天元兄弟分襲陳千管轄上山高山沙洞等村順治四年陳  
達卿投誠歸順順治八年行查各路獠丁獠官冊籍准復原  
職世襲

俱同上

按粵東嶺蠻有獠有獠黎人岐人盧亭番蠻蛋

音書義

戶肇慶府屬則有獠獠蛋三種而已府縣志失載

獠目惟新興縣綦詳故備錄之

蛋人以舟楫為家或編蓬水滸謂之水欄有三種入海取漁

者爲漁蛋取蟻者名蟻蛋取材者名木蛋各相統率魚蛋蟻

蛋能入水二三日亦謂龍戶

咸賓

獠椎髻跣足刀耕火種食

盡一山則移一山喜讐殺輕死又能忍饑行門左腰長刀右  
負大弩手長鎗上下山險若飛戰則一弩一鎗相將而前執  
鎗者前却不常以衛弩執弩者口銜刀而手射人或冒刃而  
逼之鎗無施釋弩取口中刀奮擊以救度險整其行列遁去  
必有伏弩主軍弓手輩與之角技爭地利往往不能勝也兒  
始能行燒鐵石烙其跟蹠使頑木不仁故能履棘茨而不傷

天下郡國  
利病書

獠性質粗悍露頂跣足花衣短褰自耕而食又謂之山人出  
湖南溪洞後稍入廣西佃種荒田聚眾稍多遂蔓延入廣東  
初來尙以聽招名色佃田納租與獠人種類不同時相讐殺



有司及管田之家頗賴其力以捍徭人及後勢眾亦與徭人無異矣

同上

按徭人盤瓠氏之後見後漢書獯乃舊越人也見天  
下郡國利病書

各屬徭民舊設徭目管轄後因高要德慶四會廣寧徭目謝  
守信子孫承襲紛爭騷擾滋事且徭民向化日久各安耕鑿  
與齊民無異徭目可以不設於乾隆二十一年詳請裁革徭  
民編入各村寨保甲與齊民一體稽查

吳志